

補三國疆域志

全



07685

補一國書
域識一書

乾隆辛丑歲刊于西安 孫星衍署

光緒甲午年
授經堂重刊

補三國疆域志序

陳壽三國志有紀傳而無志然如天文五行之類略備沈約宋書皆可不補其尤要而不可闕者惟地理一志元郝經所補全錄晉書地理志本文卽見于沈志中者亦近而不采他可知矣予自戊戌歲校四史畢卽有志於此畱心哀輯者二載然因有數難輒復中輟沈約云三國無志事出帝紀雖立郡時見而置縣不書此一難也晉司馬彪撰續漢書郡國志凡郡縣增省在安順以後者卽不置錄是前無所承唐初修晉書于地理學最不精建置沿革舛錯過半是後無所據此二難也卽云出帝紀矣而荊州江夏則南北竝立蘄春廣陵又魏吳不常能析其州郡本末尤不易辨其縣道遷徙又或居巢狄道兩國置壘鍾離遼道空地不居臨賀郡所屬則荆廣之說不同宜都郡立名則

補三國疆域志序

魏蜀之辭不一此三難也從前諸地志上論沿革每自漢越晉中闕三國不書彼傳信之體則然今旣欲補志則須上詳郡縣與東漢異者若干下與西晉異者若干全據金行旣謂以孫而定祖槩徵炎運又嫌有昔而無今此四難也沈約著宋書去三國不過二百祀當時冊籍輿圖諒存秘省所引太康元康定戶十餘種最資證左而汝陰建郡顯背魏書蒙縣著文復乖漢志此五難也今世所存諸地志可采者如李吉甫元和郡縣圖志樂史太平寰宇記等不過五六種而邱頭旌武一人而前後不同油口號公三書而彼此互異此六難也三國土壤旣分輿圖復窄州郡之號類多遙領吳有犍爲之守蜀存京兆之名武都一郡土歸西國而名立扶風房陵一區實隸當塗而虛領益土近而易混驟每不詳此七難也葭萌改漢壽之名則與屬武陵

者亂上庸建北巫之號則與隸建平者淆東京所無而西魏忽
置誰別建始之年南邦所創而太康已廢難識革除之始此八
難也陳壽史例最號精嚴而高陵海陵之縣沿革舊名新安新
昌之稱復標近號加以松之注史好采殊說始興未建作守者
已有羊君東安未立臨郡者先推郭智作者既視睇而不見閱
者復貯心而不疑此九難也繼此九難遠閱千載沈約所據十
餘種僅存其二而又不能稍參己意增定郡邑此十難也然用
力既久終不忍輟作而證左俱絕者則闕疑以待焉蓋地理之
難也班生錄本朝之書猶存俟考沈氏徵近世之壤每著存疑
從事于此者當若是矣今大類倣宋書州郡志之例而于扼要
之地爭門之區可考者附見諸郡縣下參用郡國志例焉其郡
之未經分割者置縣次第準郡國志爲多或已分割及廢而復
置者則先後類從晉志要在有補原書而不汨其實此裒輯之
意也然天下州邑之志繁如星草安知所疑而闕者不皆散見
于諸郡邑圖志中補是志者旣非爲己何必皆出一人同好之
君子苟能隨所見而足之以成一史未竟之事則是書亦補三
國志疆域者之權輿矣洪亮吉饒

補三國疆域志後序

三國疆域志者武進洪君稗存所述也稗存以終賈之年淹貫經籍有廊善長之博虛有劉子元之殫洽校定四史已發其伏猶以陳氏志三國有紀傳無志其中地理尤要畢力鏤薈先成疆域志二卷時與余同客長安發篋相示並屬爲之序次其指余維江醴陵云史莫難于志而志地理尤難顧夏書禹貢周禮職方中畫九州外薄四海王者規模自有定制惟是戰國分并及三國南北朝十六國而下卽形勢以爲割據隨所跨擅更相剗改是以唐京兆杜氏宋浚儀王氏所述通典及通鑑地理通釋胥于此置義舉綱提要識者躓之謂有當于大易設險守國春秋書下陽彭城虎牢之義非徒由近觀遠爲室中之一物也三國承炎漢末造關洛荒蕪燕于時中原所有一十二州中分郡國六十有八至西蜀僅置二州二十二郡吳地少廣亦僅五州四十三郡耳至其因革分合成敗之故求之本史帝紀僅載立郡而置縣不書且一境而或南北並存魏吳互異至于僑置遙領尤易混淆九變之貫匪窮知言之選難備余年二十許時意氣憍蹇妄思綴緝但自後漢晉宋三書而外惟杜佑志州郡歐陽忞記輿地于三國粗有條理至臨川郝氏專補地理僅錄晉志本文無可決擇其餘踈漏尤多就余踈淺所及已多不照略舉其小者如孔明渡瀘之非瀘州也公琰住涪之非涪州也公瑾赤壁之非黃州也景升自廬振廩爲在襄陽而非合肥之廬州孔明莫宿黑水爲在城固而非朐都之瀘水伯珪上祭北芒爲在遼西而非河南之邾山據水經注知劉馥傳廣修戾渠陵大竭水當作戾陵竭車箱渠據太平御覽知諸葛恪傳移書四

部屬城長吏當作移書四郡卽傳中所稱吳會稽新都鄱陽者是據冊府元龜知鄧艾傳自鍾離而南橫石以西盡泚水曾置營田兼修淮陽百尺二渠復于潁南北穿渠三百餘里凡九十四字爲承祚本書今皆佚去如此例得數十則頗見賞于先輩比中歲官

京師間以瘠癘南歸後宣髮被肩志與歲去故紙叢殘漸已不復省記今穉存奪幟而登陵轍一切始知向來一得羽毛齒革君之餘也而猶以爲卑耳之馬不棄其鞅絆俾得以附著其說幸何厚哉至書例略仿宋州郡志而要害爭奪之區可攷者附見于下其餘參準後漢晉書二志鏐裁品酌于自序庶幾盡之然此固其可見之迹爾至于明得失之故鑒興替之繇本之以廣學流申之以贊宏業世有闕通博達如杜君卿王厚齋者定知其所以然也因亟錄其副並爲愆思付梓用俟來者云江甯

嚴長明

補三國疆域志後序

二

余同年友洪稚存作補三國疆域志二卷搜抉聯綴于以究晉宋書志之未備而正其譌失足爲讀史者所不可無之書矣余每病地理之難部府州縣之志率多附會而史書之紀沿革又或彼此舛錯且有一書之中而前後異說者卽如晉地理志總序云桓靈增置六郡靈南安鄱陽廬陵而揚州下云獻帝興平中孫策分豫章立廬陵郡孫權又分豫章立都陽郡

孫權傳同

皇帝初置廬陵南部而揚州下又云孫皓分廬江立廬陵南部

都尉又如三國孫權傳建安十五年分長沙爲漢昌郡考漢昌卽吳昌也然未知復廢爲縣隋地理志義陽郡鍾山舊曰鄡鄡縣前此未見考宋州郡志義陽太守鄡令二漢屬江夏晉太康

地志屬義陽並作鄆音肯永初郡國何並作鄆上言作鄆下亦

言作鄆南北監疑下之鄆當是鄆也晉地理志鄆縣仍屬江夏

集韻云鄆在義陽本隋志也然則三國時義陽江夏郡中當有

鄆縣未知定何屬矣泰山東平陽左傳注今泰山有平陽縣在今

新泰縣西北四里水經注洙水西逕泰山東平陽縣晉武帝元康九年

改為新泰縣也考元康惠帝年號非武帝也元和志沂州新泰

縣魯平陽邑晉太始中鎮南將軍羊祜此縣人也表改為新泰

縣晉地理志泰山新泰故曰平陽羊祜傳祜泰山南城人志有

南武城而無南城南城卽南武城漢縣舊名時尚未改故詔以

泰山之南武陽牟南城梁父平陽五縣爲南城郡封祜爲南城

侯矣然則祜非平陽人也且祜在太始中以車騎將軍貶爲平

南將軍咸甯二年除征南大將軍未嘗爲鎮南也祜卒于咸甯

補三國疆域志後序

三

四年卒二歲而吳平杜預傳謂以立功之後從容無事乃爲春

秋經傳集解如祜于太始中已表改平陽爲新泰則預何以復

云今泰山有平陽縣乎疑鄆氏所云改于元康者是也特不當

作武帝耳又考宋州郡志東安太守新泰令魏立屬泰山魏地

形志亦云東泰山郡新泰縣魏置晉屬泰山則新泰又似非晉

置也諸此蓄疑未易悉數姑撮數條書以質諸雅存其幸有以

教我矣歸安吳蘭庭

司馬彪作郡國志多錄三代以來地名然于春秋時若宋之老

桃菅鄧齊之嵯靡多魚楚之大林陽邱鄭之依疇暴隧缺漏者

不可闔數史記魏地有囑有詭趙地有區鼠韓地有注人漢表

有棘邱曲成東柔臨轅並出高祖所封侯國其名當易攷見劉

昭注補時羣編咸在而略不一及是所蔽也余以辛五年歲與

洪君雅存孫君季仇同舍西安巡撫莫府時季仇注山海經余注漢書地理志方有事于吐古責實而雅存以所輯三國疆域志出示前人輿地諸書酈道元注水經最稱博聞亦多述曹魏時事雅存能以陳壽紀傳所載互證勿通益信道元之無謬矣晉書本有王隱虞預朱鳳臧榮緒蕭子雲何法盛謝靈運數家揚隨之際存泐相半故唐人踵而成之然郡縣改更山川首尾多所不照晉世實因三國沿流求原是謂有本王沈張勃當曰同志焉余昔得吳谷朗碑于耒陽知長沙劉陽卽同瀏字近又得李苞題名于襄城知魏景元中曾開石門道俱銘石之有關於篇冊者倘用魏收之例傳示後人耶嘉定錢坫

補撰地理亦有權輿春秋地名京璠實作後則沈約宋書多及三方之制長孫隋志亦兼五代之名唐世旣輯成晉書歐陽亦

改爲劉志宋隋二志其無間矣自餘得失可得而言唐時載籍具存藏于故府有王隱地道永初山川何徐州郡陸澄地理任昉地記之富野王輿地之傳總此數家以資左證而晉書地理輒有牴牾履絢何人代之媿矣新唐之志亦易名家劉昫舊書旣非甚劣加之川岳輔以關津不難取杜佑之長增吉甫之是又堅詢書部非無地屬張馬史注頗述圖經詳修所著彌多謬誤永叔空疏固無議也雅存研精史學亦既有年服膺陳書補成疆域于是徵道元之軼說証常璩之疏漏張勃臧錄必折其中魚豢之言惟取其是今觀其書凡安順以後之郡縣延康以前之建置馬彪未登承天缺錄者莫不著之于編昭然可信夫約與無忌去古未遠猶爲其易雅存今日實爲其難有加精焉誠奇著矣予以庚子之歲自吳徂秦此間方志頗有更定病夫

舊本多致疏違有略弃乎瓜分或中迷于僑置涼苻之際固多
忽爾魏蜀之事亦有昧焉載覽君書良資先覺昔班固創爲地
理馬彪踵成郡國鄭許說地旣多取于班言郭杜解經亦每同
乎彪見同時之儒所欽若彼予于雅存亦猶是云同里孫星衍

魏疆域

司州

豫州

兗州

青州

徐州

涼州

秦州

冀州

幽州

并州

雍州

荊州

揚州

司州魏受漢禪都洛陽陳留王奐以漢司隸所部三河宏農四郡及分河東所立之平陽先屬冀州分河南所立之滎陽置司州凡得漢舊郡四增置郡二治河南

河南尹本秦三川郡漢改今名魏領縣十三

洛陽漢舊縣有大谷後漢書孫堅進軍于此有委粟山魏景初元年營爲圓

丘

河南漢舊縣有千金塢魏明帝更修以塢洛水因名

鞏漢舊縣

河陰漢平陰縣魏改今名沈約宋書州郡志云魏立微

誤

成臯漢舊縣

緱氏漢舊縣有袁術固一名袁術塢曹城李吉甫元和郡縣志魏武與袁術相

非築城于此有公路壘有公路澗

陽城漢舊縣屬潁川

新城漢舊縣

偃師漢舊縣樂史太平寰宇記縣至晉始并入洛陽則

三國時有此縣也下凡此類倣此

陸渾漢舊縣屬宏農元和郡縣志漢屬宏農後屬河南

尹則自漢時已移屬不始魏晉晉太康地志縣屬河南郡凡太康

地志何承天志等書皆從沈約宋書州郡志

袁松之三國志注鄜道元水經注諸書錄入

梁漢舊縣有陽人聚後漢書孫堅破董卓軍于此

陽翟漢舊縣屬潁川沈志魏晉屬河南

新鄭漢舊縣元和郡縣志縣晉始省司馬彪續漢書郡

國志尚有原武穀城平三縣今不錄

滎陽郡魏正始三年分河南置領縣九水經注正始三年歲在

甲子被癸丑詔書割河南郡縣自鞏闕以東創建滎陽郡以李

勝為郡守曹真傳注李勝為滎陽太守今考傳嘏傳為滎陽守亦在正始時

則水經注之言信也又孫禮傳太祖時遷滎陽都尉蓋河南郡

大漢末已別建都尉至正始三年乃升作郡耳沈志晉地理志

等皆以為晉泰始元年置豈魏末暫廢晉復立耶

滎陽漢舊縣

京漢舊縣

密漢舊縣

卷漢舊縣

陽武漢舊縣

苑陵漢舊縣

中牟漢舊縣有故市城

魏武擊袁紹于此城

有官渡臺

俗號中牟

臺一名曹公臺魏武破袁紹于此

有曹公壘

時所築

開封漢舊縣

河東郡秦置魏領縣十

安邑漢舊縣

聞喜漢舊縣

垣漢舊縣

汾陰漢舊縣

補三國疆域志卷上

大陽漢舊縣

猗氏漢舊縣

解漢舊縣

蒲坂漢舊縣有蒲津關

魏武西征馬超韓遂夜渡此

有風陵關

一名風陵

津魏武西征自潼關北渡即此處

河北漢舊縣

新安漢舊縣屬宏農

平陽郡魏正始八年分河東郡置領縣十二

平陽漢舊縣魏公國

楊漢舊縣

端氏漢舊縣

永安漢舊縣

蒲子漢舊縣

狐譚漢舊縣中興後省魏復置太平寰宇記魏別置狐
譚縣則縣非前漢時舊地矣

襄陵漢舊縣

絳邑漢舊縣

濩澤漢舊縣

臨汾漢舊縣

北屈漢舊縣

皮氏漢舊縣

河內郡漢置魏領縣十

懷漢舊縣

河陽漢舊縣

補三國疆域志卷上

四

軹漢舊縣

沁水漢舊縣

野王漢舊縣有射犬聚

哇國屯此

有石門

水經注司馬孚爲魏野王典農中郎

將所造

溫漢舊縣

州漢舊縣

平臯漢舊縣

山陽漢舊縣有濁鹿城

魏受禪封漢獻帝于山陽居此城

有禪陵

漢獻帝陵

以禪魏故名

武德漢舊縣延康元年魏明帝封武德侯郡國志尙有

波縣今不錄

宏農郡漢置魏領縣七

宏農漢舊縣

陝漢舊縣有曹陽墟

後漢書獻帝東遷李傕郭汜追乘輿天子幸此

有曹陽澗

魏武改為好陽澗

澠池漢舊縣有蠡城

賈逵傳逵為令時寄理于此

有二峭山

元和郡縣志漢

建安中魏武西討巴漢惡其險更開北山道路行人多便之

宜陽漢舊縣

盧氏漢舊縣

湖漢舊縣有黃巷阪

魏武征韓遂馬超屯兵于此

有曹公墓

亦征韓遂馬超

時所置

華陰漢舊縣有潼關

元和郡縣志關本在新安漢初平建安中所徙建安十六年魏武破

馬超于潼關即此

豫州漢建安元年魏武迎漢帝都許及平黃巾何儀黃邵等地

補三國疆域志卷一

遂入魏得漢舊郡六增置郡六凡統郡十二治汝南安成王應

麟地理通釋云治譙今考沈志豫州漢治譙魏治安成通釋蓋

因後漢而誤

潁川郡秦置魏領縣八

許昌漢許縣魏受禪改今名有讓王臺

獻帝禪魏就封山陽濁鹿百官

送于此臺

長社漢舊縣太平寰宇記長社俗亦呼長平城晉地理

志復有長平未知何時分置

潁陰漢舊縣魏侯國

臨潁漢舊縣

鄆漢舊縣

臨潁漢舊縣

新汲漢舊縣

綸氏漢舊縣元和郡縣志縣晉始省有大谷口

孫堅傳
兵大谷

距洛陽九
十里卽此郡國志郡尚有襄潁陽二縣

襄城郡魏分潁川郡置潁縣七晉地理志云秦始二年置今考
沈志潁川郡下魏分置襄城郡元和郡縣志亦同云至晉咸康
三年省則言晉置蓋誤

襄城漢舊縣有龍城

魏明帝青龍元年龍
見摩陂并常幸觀焉

繁昌漢潁陰縣繁昌亭魏受漢禪于此因升作縣

邾漢舊縣中興後省疑魏時復立有摩陂

魏曹仁駐
軍于此

定陵漢舊縣魏侯國

父城漢舊縣

昆陽漢舊縣

補三國疆域志卷上

舞陽漢舊縣魏侯國

汝南郡漢置魏領縣十三

新息漢舊縣沈志汝南郡有南新息北新息俱云漢舊

縣今考二漢祇一新息縣晉地理志亦同南北之

名當屬江左及宋初分置沈志不能詳何時所分

而槩云漢舊似微誤

安陽漢舊縣

安城漢舊縣

慎陽漢舊縣

宜春漢舊縣

上蔡漢舊縣

平輿漢舊縣

定潁漢舊縣

濯陽漢舊縣

吳房漢舊縣

西平漢舊縣有二十四陂鄧艾典農時所置

名陵漢舊縣魏侯國晉地理志屬潁川今從郡國志

西華漢舊縣沈志屬汝南晉初始省今據列入又郡國

志有新陽南頓汝陽潁強細陽富波宜祿征羌思

善九縣今不錄

汝陰郡魏黃初三年分汝南置景初二年以沛郡十縣來屬共

領縣十八通典司馬懿使鄧艾屯田于此元和郡縣志魏文帝

黃初三年太平寰宇記作元年以汝陰縣屬汝陰郡則郡當亦此年分立

惟沈志云晉武帝分汝南置今考晉地理志汝陰郡下云魏置

補三國疆域志卷上

七

郡後廢泰始二年復立何承天志汝陽縣亦云故屬汝陰晉武

改屬汝南合此數條及明帝景初二年紀則魏時有汝陰郡明

甚沈志蓋誤以復立時為始置時也今據魏志晉地理志通典

等列入

汝陰漢舊縣有百尺堰司馬懿討王凌至此

慎漢舊縣

原鹿漢舊縣

固始漢寢縣後漢光武中興時始改今名有塹城司馬懿使

鄧艾于有武邱太平寰宇記一名邱頭魏志司馬昭征諸葛誕屯兵于此及陷壽春

斬誕高貴鄉公改名武邱按諸地志項縣下亦有武邱通典及元和郡縣志云司馬懿討王凌軍到邱頭凌面縛水次因改名武邱以旌功太平寰宇

記又云司馬師于此克定母邱儉乃更武邱以顯

武功諸說不同今從魏志以司馬昭討誕事為得其實

銅陽漢舊縣

新蔡漢舊縣

褒信漢舊縣

項漢舊縣屬汝南晉太康地志縣屬陳郡晉地理志又

屬梁國今從杜預僖十七年左傳注項國今汝陰

項縣汝陰郡本汝南分置則縣移屬汝陰較是有

公路城水經注袁術所築有誘城母邱儉作亂西至項鄧艾督軍至樂嘉誘之後

人為名以有百尺堰司馬懿討王凌至此

蕭漢舊縣魏王國以下十縣俱景初二年自沛移

相漢舊縣魏王國

符離漢舊縣

竹邑漢舊縣

補三國疆域志卷上

蕪漢舊縣

銓漢舊縣

龍亢漢舊縣

山桑漢舊縣

涇漢舊縣

重漢舊縣

陽安郡魏分汝南置領縣二李通傳分汝南二縣以通為陽安

都尉魏略李通領陽安太守趙儼傳袁紹招誘豫州諸郡惟陽安郡不動

郡蓋魏武破張繡時所立

陽安漢舊縣

朗陵漢舊縣趙儼傳屬陽安

弋陽郡魏分江夏汝南置領縣五晉地理志魏文分汝南立弋

陽今考田豫傳遷弋陽太守在魏武時後又從鄢陵侯彰平代復遷南陽太守而文帝始嗣位疑郡屬魏武所置非魏文也

西陽漢舊縣屬江夏

軌漢舊縣屬江夏

西陵漢舊縣屬江夏有黃城鎮

元和郡縣志劉表為荆州刺史以此地為江夏

之口懼吳侵軼建安中使黃祖于此築城鎮遏因名

期思漢舊縣屬汝南

弋陽漢舊縣屬汝南

梁郡漢置魏領縣六

唯陽漢舊縣

下邑漢舊縣元和郡縣志後漢無下邑縣魏復立今考

郡國志梁國治下邑則云魏復立誤也

補三國疆域元卷上

九

虞漢舊縣

碭山漢舊縣元和郡縣志晉以其縣并入下邑則三國

時縣尚存

蒙漢舊縣沈志云漢舊縣屬沛今考二漢志蒙縣俱屬

梁國晉地理志亦同沈志蓋誤

甯陵漢舊縣太平寰宇記穀熟縣魏文帝時廢至晉復

立下凡晉志有而不錄者皆倣此又郡國志又

有陽薄二縣今亦不錄

陳郡漢置魏東阿王植徙封此因改作國植子志又徙封濟北

復還作郡領縣五

陳漢舊縣有賈侯渠

賈逵為刺史時通渠二百里餘即此

陽夏漢舊縣

栢漢舊縣元和郡縣志縣至晉太康中始廢

武平漢舊縣卽建安元年魏武所封邑

長平漢舊縣魏侯國郡國志又有甯平新平扶樂三縣

沛國秦泗水郡漢改今名魏景初元年作國領縣五

沛漢舊縣

杼秋漢舊縣

公邱漢舊縣

豐漢舊縣魏王國

廣戚漢舊縣屬彭城魏景初元年移郡國志又有穀陽

鄆臨睢向太邱五縣

譙郡魏武分沛郡置領縣五元和郡縣志太平寰宇記又云黃

初元年立今考沈志引王粲詩旣入譙郡界云云粲亾在建安

補三國疆域志卷上

十

中則以爲黃初時立者非矣何承天志又云魏明帝始分立更

誤今從晉書地理志太平寰宇記又云魏改梁國已氏縣爲譙

郡

譙漢舊縣有渦水

魏黃初元年文帝以舟師自譙循此入淮

城父漢舊縣屬汝南

鄼漢舊縣魏侯國

宋漢舊縣魏屬汝陰景初二年移

苦漢舊縣屬陳魏景初二年移

魯郡秦薛郡漢改今名魏領縣六

魯漢舊縣

鄒漢舊縣

蕃漢舊縣

薛漢舊縣

卞漢舊縣

汶陽漢舊縣

安豐郡魏文帝分廬江置領縣五沈志云魏文分廬江置安豐而于安豐縣下又云晉武帝立安豐郡前後不同今考沈志于尋陽郡下云太康元年省蕪春郡改蕪春之安豐為高陵及邾縣皆屬武昌安豐縣應屬本郡而云蕪春之安豐者可證魏立安豐郡後蓋旋廢以其縣并蕪春郡至晉武太康中又廢蕪春郡而立安豐郡故志又云晉武立安豐郡也

安風漢舊縣

雩婁漢舊縣

安豐漢舊縣吳志孫亮五鳳二年吳鎮南將軍朱異襲

補三國疆域志卷上

十一

安豐不克有芍陂

吳全琮略淮南決此陂

有安豐津

母邱儉被殺於

此有小史球

魏志魏武東征吳從東漕口至江際各為柵柵口遣小史何文憲開因名

蓼漢舊縣

松滋漢舊縣中興後省魏復立

兗州漢興平二年魏武為兗州牧其後地遂入魏得漢舊郡八

治廩邱

陳畱郡漢置魏領縣十四

陳畱漢舊縣魏王國

小黃漢舊縣

浚儀漢舊縣

尉氏漢舊縣

雍邱漢舊縣

襄邑漢舊縣

外黃漢舊縣

濟陽漢舊縣魏王國

平邱漢舊縣地理沿革表晉省平邱以縣屬陳留國

封邱漢舊縣

酸棗漢舊縣有延邱袁紹渡此津追擊魏武有烏巢澤魏武破紹將淳于瓊

處

長垣漢舊縣魏侯國

扶溝漢舊縣沈志縣後漢晉太康地志俱屬陳留晉地

理志無蓋太康以後所省也

圍漢舊縣後魏書地形志後漢晉屬陳留後罷郡國志

又有東昏已吾考城三縣

補三國疆域志卷上

五

東郡秦置魏領縣八

濮陽漢舊縣有清邱水經注稱京相璠春秋地名曰魏郡尉治

燕漢舊縣杜預隱公五年左傳注東郡燕縣有延津魏武

救劉延至此

白馬漢舊縣杜預襄公二十年左傳注東郡白馬縣有

黎陽津一名白馬津漢建安五年魏征蜀先主會關雲長于此關雲長刺殺袁紹將顏良亦

此地有滑臺魏武破袁紹斬文醜于此

范漢舊縣晉地理志屬東平今從郡國志水經注

博平漢舊縣魏侯國

聊城漢舊縣太平寰宇記上二縣皆言晉移屬平原則

魏時屬東郡也

鄆城漢舊縣屬濟陰杜預莊公十三年左傳注東郡鄆

城則此縣疑魏時移屬東郡

廩丘漢舊縣屬濟陰王觀傳東郡廩丘人晉地理志縣亦屬濮陽國當亦魏時所移也沈志以為後漢無此縣微誤當云後漢縣屬濟陰為是郡國志又有

樂平侯國

濟陰郡漢置魏領縣九

定陶漢舊縣

宛句漢舊縣有袁紹城元和郡縣志紹所築

成陽漢舊縣

乘氏漢舊縣

句陽漢舊縣

離狐漢舊縣魏志李典從太祖遷離狐太守據此則魏

補三國疆域志卷上

單父漢舊縣

成武漢舊縣

己氏漢舊縣

山陽郡漢置魏領縣七

昌邑漢舊縣魏侯國

鉅野漢舊縣

高平漢舊縣

湖陸漢舊縣

南平陽漢舊縣

方與漢舊縣

金鄉漢舊縣郡國志又有東緡瑕邱防東三縣

任城國漢置魏黃初三年鄒陵公彰進爵爲王封此統縣三

任城漢舊縣

亢父漢舊縣

泰山漢置魏黃初十一年

東平國漢置魏黃初中壽張王徹進封此統縣七

須昌漢舊縣

壽張漢舊縣有安民亭在濟水東亭北對安民山建安六年魏武率衆就穀于此

無鹽漢舊縣

富成漢舊縣

東平陸漢舊縣

甯陽漢舊縣屬泰山後漢改屬東平國郡國志又有章

縣

補三國疆域志卷上

剛父漢舊縣屬濟北杜預隱五年左傳注東平剛父縣

未知何時移屬也

濟北國漢置魏陳思王植子志徙封此統縣五

盧漢舊縣

臨邑漢舊縣屬東郡

東阿漢舊縣屬東郡

穀城漢舊縣屬東郡

蛇邱漢舊縣郡國志又有成縣

泰山郡漢置魏領縣十一

奉高漢舊縣

博漢舊縣

梁甫漢舊縣

鉅平漢舊縣

嬴漢舊縣蜀志廢竺傳為嬴郡太守注載魏武表云泰山郡界曠遠權時之宜可分五縣為嬴郡蓋後旋廢也

山荏漢舊縣

萊蕪漢舊縣

南武陽漢舊縣

南城漢舊縣

東牟漢舊縣

東平陽漢舊縣中興後省魏復立晉書羊祜傳以泰山

郡平陽等五縣為南城郡則縣蓋魏時移屬泰山

也

補三國疆域志卷上

五

青州漢建安十年破袁譚地入魏凡得漢舊郡五復舊郡一增

置郡一治臨淄

齊郡秦置魏領縣十

臨淄漢舊縣

西安漢舊縣

東安平漢舊縣屬北海沈志魏移屬

般陽漢舊縣

廣饒漢舊縣中興後省疑漢末復立

昌國漢舊縣

益都魏立

新沓魏景初三年以遼東東沓縣民渡海因規故縱城

為新沓縣居之

新汶魏正始元年以遼東汶北豐縣民流徙渡海規齊

郡之西安臨淄昌國縣界立新汶南豐縣以居之

南豐魏正始元年立

濟南郡漢置魏領縣七

東平陵漢舊縣沈志縣自漢迄晉不改

著漢舊縣

於陵漢舊縣太平寰宇記縣及鄒平歷城自漢迄晉不

改

臺漢舊縣

菅漢舊縣

鄒平漢舊縣

歷城漢舊縣郡國志又有土鼓梁鄒二縣

補三國疆域志卷上

共

樂安郡漢置魏領縣八

高苑漢舊縣

臨濟漢舊縣

博昌漢舊縣

利漢舊縣

益漢舊縣

蓼城漢舊縣

鄒漢舊縣

壽光漢舊縣

東朝陽漢舊縣屬濟南郡國志又有千乘樂安二縣

北海國漢置郡魏太和六年改作國統縣四北海城陽屬縣大

率據太康地志

平壽漢舊縣

下密漢舊縣

膠東漢舊縣

卽墨漢舊縣郡國志又有都昌觀陽二縣

城陽郡漢置城陽國中興後省入北海魏復分北海置領縣十二太平寰宇記魏明帝復城陽郡今考魏志建安三年魏武分北海爲城陽則城陽之復已久不待明帝時沈志止云魏復分北海立不言何時今從之

東武漢舊縣屬琅邪魏侯國太平寰宇記魏明帝復城

陽郡莒縣屬焉而郡徙理東武元和郡縣志曹魏

省琅邪縣入東武

莒漢舊縣屬琅邪有曹公城

元和郡縣志魏武征陶謙拔五城略地東海于此築

補三國疆域志卷上

城周回四里

姑幕漢舊縣屬琅邪

濳于漢舊縣

高密漢舊縣

壯武漢舊縣

黔陬漢舊縣屬東萊

營陵漢舊縣

平昌漢舊縣沈志魏文帝分城陽置平昌郡魏志孫禮

傳歷山陽平原平昌琅邪太守晉地理志惠帝元

康十年又置平昌郡蓋魏文立郡後旋廢至晉惠

帝復置也

太康地志平昌屬城陽

郡立不久兼未詳所領縣

姑附錄于此

朱虛漢舊縣

昌安漢舊縣

夷安漢舊縣

東萊郡漢置魏領縣六

黃漢舊縣太平寰宇記東萊郡後漢移理黃縣魏不改

有大人城元和郡縣志司馬懿伐遼東造此城運糧船從此入

披漢舊縣

當利漢舊縣

盧鄉漢舊縣

曲城漢舊縣

愷漢舊縣郡國志又有葛盧縣

長廣郡魏分東萊北海置領縣六何夔傳遷長廣太守下言郡

補三國疆域志卷上

六

初立云云考范史及續志皆不載有長廣郡晉起居注始云咸

甯三年以齊東郡縣為長廣郡領縣四沈志不其長晉地理志

亦同惟無昌陽沈志昌陽晉惠帝元康八年分長廣縣而此傳

云領六縣有長廣辛平東辛昌陽其二縣當即不其挺也挺縣前地

疑當時因黃巾起青徐間郡縣寥廓難制故又分

東萊北海為長廣郡管輅傳注前長魏末郡或旋廢至晉咸甯

三年復置耳太康地志不其長廣挺三縣俱云屬長廣則知咸

甯三年前本有長廣郡後廢可知今據列入

長廣漢舊縣

辛平漢舊縣

東辛漢舊縣

不期漢舊縣

挺漢舊縣

昌陽漢舊縣

徐州漢建安三年破呂布地入魏凡得漢舊郡五增置郡一治

彭城

彭城國漢置魏黃初中義陽王據徙封此統縣六

彭城漢舊縣有呂布城

地形志呂布自下邳與魏武相持築城于此元和郡縣志在呂

梁西岸一名呂布固有曹公城

元和郡縣志魏武所築在呂梁東岸

留漢舊縣

傅陽漢舊縣

武原漢舊縣

呂漢舊縣

梧漢舊縣郡國志又有菑邱縣

補三國疆域志卷上

九

下邳郡漢置魏領縣十五

下邳漢舊縣有中城

呂布所守有白門樓

魏武征呂布登此城有三重大城周十二里中城周四里魏武擒布于白門即大城之門也魏武決泗水灌城卽此處

徐漢舊縣

僮漢舊縣

睢陵漢舊縣

下相漢舊縣

淮陰漢舊縣

盱眙漢舊縣

高山漢舊縣

贅其

潘旌漢舊縣

淮陵漢舊縣有公路城

太平寰宇記袁術率兵擊殺陳王寵魏武征之術聞大駭乃渡

江築此有渦口

晉揚州刺史牽宏擊吳丁奉於此

取慮漢舊縣

司吾漢舊縣

良成漢舊縣魏侯國

夏邱漢舊縣郡國志又有東成曲陽二縣

東海國漢置郡魏黃初中作國統縣十一

郟漢舊縣

祝其漢舊縣

朐漢舊縣

襄賁漢舊縣魏志建安十一年割東海之襄賁郟戚以

益琅邪國至二十一年國除縣蓋復舊

補三國疆域志卷上

千

利城漢舊縣魏志建安三年魏武升縣作郡至文帝黃

初六年言利城郡兵蔡方等以郡反殺太守徐贇

此後不復再見疑因方等反郡遂廢也

厚邱漢舊縣

蘭陵漢舊縣魏侯國

承漢舊縣

昌慮漢舊縣建安三年升作郡十一年復舊

合城漢舊縣

戚漢舊縣郡國志又有陰平贛榆二縣

琅邪郡漢置魏領縣八

開陽漢舊縣魏侯國

臨沂漢舊縣

陽都漢舊縣

繪漢舊縣

卽邱漢舊縣

華漢舊縣屬泰山中興後省臧霸傳泰山華人郭頒世

語曹嵩在泰山華縣又泰山都尉孔宙碑陰亦載

此縣時爲延熹七年疑係漢末所復立也其移屬

琅邪未知何時今考費縣亦舊隸泰山晉太康地

志云屬琅邪則此縣當亦同時所移今姑從晉書

地理志列於此

費漢舊縣屬泰山

蒙陰郡國志又有東武琅邪西海諸莒姑幕六縣

東莞郡魏分琅邪北海等四郡置領縣七

補三國疆域志卷上

三

東莞漢舊縣屬琅邪

東安漢舊縣屬琅邪今從晉太康地志屬此魏志建安

四年魏武使臧霸入青州破齊北海東安杜畿傳

注稱傅子郭智爲東安太守則東安蓋漢末升作

郡後旋省至晉惠帝時復立也

安邱漢舊縣屬北海

蓋漢舊縣屬泰山

臨朐漢舊縣屬齊國

劇漢舊縣屬北海

廣漢舊縣屬齊國

廣陵郡漢置魏領縣九後屬吳孫亮建興二年使衛尉馮朝城

廣陵

廣陵漢舊縣

安平漢舊縣有白水陂

鄧艾所立與時昭縣破釜塘相連開八水門立屯溉田一萬二千頃有石鼈城亦鄧艾所築

凌漢舊縣

東陽漢舊縣

射陽漢舊縣有公路浦

水經注淮口是也袁術向九江將奔袁譚路出斯浦因名

輿漢舊縣

堂邑漢舊縣有涂塘

吳志赤烏十三年吳主遣軍十萬作此塘以淹北道

海西漢舊縣沈志縣後漢晉皆屬廣陵今考晉地理志

晉廣陵郡無海西有海陽疑卽漢海西縣俟考

淮浦漢舊縣屬下邳徐宣傳宣廣陵人爲郡綱紀海西

淮浦二縣作亂云云則縣蓋漢末移屬又郡國志

補三國疆域志卷上

至

有江都高郵鹽漬三縣

涼州魏黃初元年復分雍州置得漢舊郡九治武威

金城郡漢置魏領縣五

榆中漢舊縣

允街漢舊縣

金城漢舊縣

白土漢舊縣屬上郡

浩豐漢舊縣郡國志又有允吾令居枝陽破羌四縣

西平郡漢末分金城置領縣四水經注云魏黃初中立杜佑通

典元和郡縣志建安中置太平寰宇記建安中立西平郡魏晉

因之今從通典等說

西都魏分破羌縣立侯國

臨光漢舊縣

長甯

安夷漢舊縣

安定郡漢置魏領縣五

臨涇漢舊縣魏侯國

朝那漢舊縣

烏氏漢舊縣

陰密漢舊縣郡國志無劉昭注舊有陰密縣未詳所并

西川漢三水縣魏改今名太康地志無都盧縣知魏時

亦同故不錄郡國志又有高平彭陽二縣

北地郡秦置魏領縣二元和郡縣志曹魏于馮翊舊殺禰縣置

北地郡

補三國疆域志卷上

重

富平漢舊縣

泥陽漢舊縣郡國志又有弋居廉參繚靈州

武威郡漢置魏領縣七

姑臧漢舊縣

宣威漢舊縣

揅次漢舊縣

倉松漢舊縣

顯美漢舊縣郡國志又有張掖武威休屠鸞烏模剗媼

圍鷗陰租厲左騎九縣

驪軒漢舊縣屬張掖

番禾漢舊縣屬張掖

張掖郡漢置魏領縣三

樂得漢舊縣

昭武漢舊縣

屋蘭漢舊縣郡國志又有氏池縣

西郡漢建安中分張掖郡置魏領縣二太平寰宇記又云後漢

興平二年分置

日勒漢舊縣

刪丹漢舊縣

酒泉郡漢置魏領縣九

祿福漢舊縣

會水漢舊縣

安彌漢舊縣

駢馬

補三國疆域志卷上

十四

樂涇漢舊縣

表氏漢舊縣

延壽漢舊縣

玉門漢舊縣

沙頭漢舊縣

敦煌郡漢置魏領縣十二

昌蒲郡國志敦煌郡無昌蒲及新鄉二縣今從晉書地

理志

敦煌漢舊縣

龍勒漢舊縣

陽關元和郡縣志魏立

效穀漢舊縣

廣至漢舊縣

宜禾魏分廣至立

冥安漢舊縣

淵泉漢舊縣

伊吾元和郡縣志漢置伊吾司馬至魏立為縣按晉書

地理志有新鄉縣為晉惠帝所立今不錄

乾齊漢舊縣屬酒泉

西海郡漢建安末以張掖居延屬國置領縣一晉地理志漢獻

帝興平二年武威太守張雅請置蓋請立于興平中至建安末

始置也

居延漢舊縣

秦州魏分隴右置得漢舊郡四又分漢陽立廣魏郡後武都郡

補三國疆域志卷上

重

入蜀凡統郡四治上邦

隴西郡秦置魏領縣七

襄武漢舊縣

首陽漢舊縣

臨洮漢舊縣

狄道漢舊縣

枹罕漢舊縣夏侯淵傳宋建據枹罕三十餘年建安十

六年淵始討平之

鄯漢舊縣太平寰宇記晉永嘉後縣始廢則魏時有此

縣也

河關漢舊縣郡國志又有安故氏道大夏白石四縣

南安郡漢末分漢陽置領縣三秦州記漢中平五年分立晉地

理志元和郡縣志亦云靈帝立南安郡而何承天志以為魏時始分置蓋誤

獮道漢舊縣

新興

中陶魏立

漢陽郡漢置魏領縣七晉地理志晉始復漢陽為天水郡今考魏志曹真等傳已作天水蓋由後言之

上邽漢舊縣有段谷

姜維為鄧艾所破星散流離即在此

有諸葛壘俗名丁募

木門

張郃戰死處

冀漢舊縣

始昌

補三國疆域志卷上

美

新令魏立

顯親漢舊縣

成紀漢舊縣

西漢舊縣郡國志又有望垣阿陽蘭干三縣

廣魏郡魏武分漢陽置領縣三

臨渭晉太康地志有疑魏立

平襄漢舊縣

略陽漢舊縣有街亭

馬謖為張郃所破處太平寰宇記街亭又在南鄭今本郡國志

冀州漢建安十年平袁氏地入魏得漢舊郡十二增置郡四凡

統郡十六治鄴黃初中徙治信都

魏郡漢置魏領縣十黃初二年以魏郡廣平陽平為三魏長安

譙許昌鄴洛陽為五都

鄴漢舊縣有長明溝水經注魏武引漳水入銅雀臺下伏流入城謂之長明溝有三

臺銅雀中臺也金虎冰井南臺北臺也有元武苑亦魏武所築

繁陽漢舊縣

魏漢舊縣

斥邱漢舊縣

蕩陰漢舊縣屬河內建安十七年移

內黃漢舊縣

黎陽漢舊縣有倉城冀州圖經袁紹聚糧之所有袁譚城有曹公城

魏武攻譚時所築

陰安漢舊縣

衛漢舊縣屬東郡建安十七年移

易陽漢舊縣屬趙國太平寰宇記魏時移屬晉復屬廣

補三國疆域志卷上

平郡國志又有梁期縣

廣平郡魏黃初二年以魏郡西部置領縣十五

曲梁漢舊縣屬廣平國中興後省地形志魏黃初二年

復置郡治

廣平漢舊縣屬鉅鹿建安十七年移屬魏郡

邯鄲漢舊縣屬趙國建安十七年移屬魏郡

武安漢舊縣

涉漢舊縣水經注因涉漳水為名漢書地理志郡國志

皆作沙魏武紀作涉

襄武漢舊縣屬趙國建安十七年移屬魏郡

南和漢舊縣屬鉅鹿建安十七年移屬魏郡

任漢舊縣屬鉅鹿建安十七年移屬魏郡

曲周漢舊縣屬鉅鹿

列人漢舊縣屬鉅鹿

肥鄉魏黃初二年分邯鄲蒲列人三縣立

臨水黃初三年分武安縣立以城臨溢水故名

廣年漢舊縣屬鉅鹿

斥漳漢舊縣屬鉅鹿有利漕渠

水經注魏武鑿渠引漳水東入清洹以通河漕

故名

平恩漢舊縣

陽平郡魏黃初二年以魏郡東部置領縣八

館陶漢舊縣水經注魏陽平郡治

元城漢舊縣魏王國

清淵漢舊縣

補三國疆域志卷上

武

發干漢舊縣屬東郡建安十七年移屬魏郡

東武陽漢舊縣屬東郡建安十七年移屬魏郡有新城

水經注魏武爲東郡所治

陽平漢舊縣屬東郡建安十七年移屬魏郡有頓城

洪城

爲郡守治此城

頓邱漢舊縣屬東郡建安十七年移屬魏郡

樂平沈志魏立非後漢東郡樂平縣故地侯國

朝歌郡魏黃初中分河內郡置移屬冀州領縣六

朝歌漢舊縣有黑山

漢未睦固白繞等起此聚衆十餘萬號黑山賊

有延津

遣于禁渡河守延津卽此地

有枋頭

元和郡縣志建安九年魏武在洪水口下大枋木爲

堰遏渠水令入白渠以開漕運因名其處爲枋頭

汲漢舊縣

共漢舊縣

林慮漢舊縣

獲嘉漢舊縣

修武漢舊縣

鉅鹿郡秦置魏領縣二

慶陶漢舊縣

鉅鹿漢舊縣郡國志又有楊氏南蠻二縣

趙國漢置魏黃初中鉅鹿王幹徙封此統縣九

房子漢舊縣屬常山

元氏漢舊縣屬常山

平棘漢舊縣屬常山

高邑漢舊縣屬常山

補三國疆域志卷上

完

中邱漢舊縣有雷公山

漢末黑山羣盜張飛燕黨有號雷公者據此山因以為名

柏人漢舊縣

平鄉漢舊縣屬鉅鹿

下曲陽漢舊縣屬鉅鹿

鄒漢舊縣屬鉅鹿

常山郡漢置魏領縣八

眞定漢舊縣魏王國

石邑漢舊縣元和郡縣志後漢至隋不改今考郡國志

常山郡無此縣魏志漢建安二十五年石邑縣言

鳳皇見則縣蓋漢末復立也

井陘漢舊縣

上曲陽漢舊縣屬中山

蒲吾漢舊縣

南行唐漢舊縣

靈壽漢舊縣

九門漢舊縣

上艾漢舊縣郡國志又有元氏高邑都鄉房子平棘樂

城六縣

中山國漢置魏黃初中濮陽王袞徙封此統縣九

盧奴漢舊縣

魏昌漢舊縣本名漢昌有安城鄉

明帝太和二年封外祖甄逸爲安鄉侯嫡

孫象襲國

新市漢舊縣

安憲漢舊縣

蒲陰漢舊縣

望都漢舊縣

唐漢舊縣

北平漢舊縣

廣昌漢舊縣魏侯國郡國志又有母極縣

安平郡漢置國魏除作郡領縣八

信都漢舊縣太平寰宇記魏黃初中冀州刺史自鄴移

治此縣

南宮漢舊縣地形志後漢晉屬安平

下博漢舊縣有白馬溝

隋圖經魏白馬王彪鑿

武邑漢舊縣

堂陽漢舊縣地形志後漢晉屬安平今考南宮及此縣

蓋晉太康後省故晉地理志不錄

武遂漢舊縣

觀津漢舊縣魏侯國

扶柳漢舊縣

廣宗漢舊縣屬鉅鹿有界城橋

公孫瓚破青州黃巾于
此後袁紹自往征瓚合

戰于界橋南二十里紹將麴義斬
瓚冀州刺史嚴綱故一名袁公橋

經漢舊縣

平原郡漢置中興後作國建安中國除魏黃初三年復作國七
年除為郡領縣八

平原漢舊縣魏侯國

高唐漢舊縣魏侯國

祝阿漢舊縣

補三國疆域志卷上

在平漢舊縣屬濟北

安德漢舊縣

西平昌沈志漢舊縣後漢晉太康地志曰西平昌今考

郡國志西平昌縣誤入樂安國小注下

般漢舊縣有般河

公孫瓚破黃巾于此後
欲攻袁紹亦于此置屯

鬲漢舊縣郡國志又有濕陰縣

樂陵國魏武分平原置領縣五晉地理志魏武置郡十二其一

樂陵元和郡縣志棣州曹魏時屬樂陵國沈志以為晉武分置

恐誤

厭次漢舊縣

陽信漢舊縣屬勃海

漯沃漢舊縣屬千乘中興後省魏復立

新樂魏立

樂陵漢舊縣魏王國

博陵郡漢置魏領縣四

安平漢舊縣

饒陽漢舊縣有白馬渠

魏白馬王彪所鑿俗謂之黃河又通典州郡志滹沱河舊在縣

有魯口城

孫淵鑿滹沱

南魏武因漕河故瀆決令北注新溝所以又在縣北入泲水以運糧因築此城以滹沱有魯沱之號故名

南深澤漢舊縣

安國漢舊縣魏侯國

勃海郡漢置魏領縣十

南皮漢舊縣有觀臺

武因冢為因以女袁氏因名焉

袁譚所築魏武擒譚于此

有曹公固

本漢倚不疑葬所魏

補三國疆域志卷上

三

東光漢舊縣有清河

水經注初平二年黃巾三十萬人入勃海公孫瓚破之于東光界追奔是水斬首二萬

浮陽漢舊縣有平虜渠

魏時穿此通軍漕北伐匈奴又築城在渠之左

饒安漢舊縣元和郡縣志漢靈帝時于千童縣置饒安

水經注又云後漢改千童縣為饒安縣今考千童

縣中興後省靈帝蓋復于故處立縣改名饒安也

高城漢舊縣

重合漢舊縣

東安陵

修漢舊縣

廣川漢舊縣屬清河

阜城漢舊縣屬安平

章武郡魏武分河間勃海置領縣四杜畿傳子恕嘉平元年免
官徙章武郡晉地理志魏武置郡十二其一章武及章武國下
復云泰始元年置蓋誤也

東平舒漢舊縣屬河間

文安漢舊縣屬河間魏王國

東州漢舊縣屬河間

章武漢舊縣有平虜渠在郭內魏武北伐匈奴時所開

河間郡漢置魏領縣十

樂成漢舊縣桓帝改名樂陵魏黃初中復舊名王國

武垣漢舊縣有東西二城魏武鑿渠引滹河水遂移縣治于西別築城

鄭漢舊縣魏侯國

易城漢舊縣郡國志無城字有易京公孫瓚築圍塹十里以鐵爲門

補三國疆域志卷上

中水漢舊縣

成平漢舊縣

博陸

高陽漢舊縣

北新城漢舊縣屬涿

蠡吾漢舊縣

清河郡漢置桓帝建和二年改曰甘陵魏復舊名領縣七

清河漢舊縣

東武城漢舊縣

繹幕漢舊縣

貝邱漢舊縣

靈漢舊縣

郇漢舊縣

棗強漢舊縣中興後省太平寰宇記云魏復立

幽州漢建安十二年魏武平幽州惟遼東樂浪等五郡為公孫
慶所據魏景初二年平公孫淵地悉入魏凡得漢舊郡九新置
郡二治涿晉地理志後漢末公孫度自號平州牧及其子康
子淵並擅據遼東魏置東夷校尉居襄平而分遼東昌黎元菟
帶方樂浪五郡為平州後還合為幽州

范陽郡本漢涿郡魏黃初七年改今名領縣八

涿漢舊縣

良鄉漢舊縣

方城漢舊縣魏侯國

長鄉水經注卽前漢陽鄉縣太康地志有疑魏時所立

補三國疆域志卷上

通

道漢舊縣有巨馬河

公孫瓚追擊袁紹別將崔巨業
于此死者六七千人卽此水

故安漢舊縣

范陽漢舊縣

容城漢舊縣中興後省魏志孫禮傳容城人盧毓傳封

容城侯則縣蓋漢末及魏時復立侯國

燕國漢置後國除作廣陽郡魏因之

曹仁傳拜
廣陽太守

至太和六年復

改作國下邳王宇徙封此統縣十

薊漢舊縣

安次漢舊縣

昌平漢舊縣

軍都漢舊縣有易荆水

水經注公孫瓚敗
于鮑邱走保此水

廣陽漢舊縣

潞漢舊縣屬漁陽有鮑丘鮮于輔奉劉虞子孫與袁術將麴義合兵破公孫瓚處

有戾陵遏水經注魏征北將軍劉靖立灌田二千頃凡所封地百餘萬畝

安樂漢舊縣屬漁陽魏公國此下四縣蓋魏武省漁陽

郡移屬于此常璩華陽國志以上庸安樂縣為蜀

後主封國今考上庸郡無此縣其誤可知今從晉

書地道記又璩志郡縣與史傳低悟者甚眾故此

志不盡據之

泉州漢舊縣屬漁陽有洵口渠魏太祖以開頭擾邊將征之從洵口鑿渠遂雍

奴泉州以通河海

雍奴漢舊縣屬漁陽有新河水經注魏太祖征蹋與洵口俱導

狐奴漢舊縣屬漁陽魏志景初二年縣省

北平郡秦置魏領縣四太平寰宇記本名右北平魏去右字

補三國疆域志卷一

土垠漢舊縣

徐無漢舊縣

後廢漢舊縣

無終漢舊縣

上谷郡秦置魏領縣六

居庸漢舊縣水經注魏上谷郡治

沮陽漢舊縣

潘漢舊縣

廣甯漢舊縣

涿鹿漢舊縣

下洛漢舊縣郡國志又有甯碓脊二縣

代郡秦置魏領縣三

代漢舊縣

平舒漢舊縣

當城漢舊縣郡國志又有高柳桑乾道人馬城班氏行

氏北平邑東安陽八縣

遼西郡秦置魏領縣三

陽樂漢舊縣

肥如漢舊縣有盧龍塞

魏武北征烏丸田疇道引軍出此塞

有盧龍城

魏武

征蹋頓所築

海陽漢舊縣郡國志又有令支臨渝二縣

昌黎郡漢遼東屬國都尉魏升作郡領縣二

昌黎漢舊縣

賓徒漢舊縣郡國志遼東屬國又有徒河無慮險瀆房

四縣

補三國疆域志卷上

美

遼東郡秦置漢初平元年公孫度復分遼東為遼西中遼郡魏

景初二年公孫淵滅郡復合領縣八

襄平漢舊縣有首山

司馬懿破公孫淵將卑衍揚祚處

有梁水

懿斬公孫淵父

此子

汶漢舊縣

居就漢舊縣中興後省

樂就

安市漢舊縣

西安平漢舊縣

新昌漢舊縣

力城郡國志無樂就力城二縣有無慮候城平郭番汗

沓氏五縣

樂浪郡漢置魏領縣六

朝鮮漢舊縣

屯有漢舊縣

渾彌漢舊縣

遂城漢舊縣

鏤方漢舊縣

駟望漢舊縣郡國志又有謂邯淇水占蟬增池昭明樂

都六縣

元菟郡漢置魏領縣三

高句驪漢舊縣

望平漢舊縣屬遼東

補三國疆域志卷上

高顯漢舊縣郡國志又有西蓋烏上殷台侯城遼陽四

縣

帶方郡漢末公孫度分樂浪置魏景初二年公孫淵滅入魏領

縣七

帶方漢舊縣

列口漢舊縣

南新

長岑漢舊縣

提奚漢舊縣

含資漢舊縣

海冥漢舊縣

并州漢中平末并州大擾定襄雲中五原朔方上郡等五郡流

徙分散建安十一年魏武破高幹上黨等郡入魏十八年省并州屬冀州二十年始集塞下苑地立新興郡後又分上黨立樂平郡黃初元年復分冀州置并州得漢舊郡四新置郡二治晉陽

太原郡秦置魏領縣十四

晉陽漢舊縣魏侯國

陽曲漢舊縣魏侯國

榆次漢舊縣

于離漢舊縣

孟漢舊縣

狼孟漢舊縣

慮虎漢舊縣太平寰宇記縣晉省

補三國疆域志卷上

陽邑漢舊縣

大陵漢舊縣

祁漢舊縣

平陶漢舊縣

京陵漢舊縣魏王國

中都漢舊縣魏侯國

鄆漢舊縣

上黨郡秦置魏領縣十二元和郡縣志後漢末董卓作亂郡移

理壺關城

壺關漢舊縣有界城

上黨記曹公圍壺關起土山于西城內築界城遮之

有曹公

壘亦破高幹時所築

潞漢舊縣

屯留漢舊縣

長子漢舊縣

泣氏漢舊縣

高都漢舊縣

銅鞮漢舊縣

涅漢舊縣

轅阿元和郡縣志後漢分涅縣置今考郡國志無此縣

當屬漢末所立

襄垣漢舊縣

猗氏漢舊縣

穀遠漢舊縣太平寰宇記晉省穀遠屬界休則魏時有

此縣可知

補三國疆域志卷上

完

樂平郡漢建安中置領縣四晉地理志序例魏武置郡十二其

一樂平劉逵魏都賦注延康元年芝草生于樂平郡水經注後

魏地形志亦云漢獻帝置唯晉志樂平郡下又云晉太始中立

通典因之蓋誤也今從序例

沾漢舊縣

上艾漢舊縣中興後省今考當是置樂平郡時所復

陽阿漢舊縣太平寰宇記晉始改為轅陽

樂平當是與郡同立

西河郡漢置靈帝末廢魏黃初二年復置領縣四

茲氏漢舊縣屬太原元和郡縣志魏黃初二年于漢茲

氏縣置西河郡則此縣及界休當卽是年所移屬

也

離石漢舊縣靈帝末廢魏黃初二年復置

中陽漢舊縣太平寰宇記魏氏移縣寄理茲氏地

界休漢舊縣屬太原今考西河鴈門二郡廢而復立故

郡國志有而此志無者不附錄

鴈門郡秦置漢末大亂其地荒廢魏黃初中移郡南度句注置

故牽招傳云郡治廣武也領縣四

廣武漢舊縣有牽渠

太守牽招所鑿

汪陶漢舊縣

蓀人漢舊縣屬太原中興後省未知何時復立

原平漢舊縣

新興郡漢建安二十年省雲中定襄朔方五原四郡各置一縣

統其民凡領縣六關駟十三州志建安中魏武集荒郡之戶以

補三國疆域志卷上

平

為縣聚之九原界以立新興郡太平寰宇記魏立新興郡于漢

汾陽縣地今考樂史於靜樂縣下云漢汾陽縣舊地後漢末屬

九原縣則知漢汾陽縣建初後省入九原十三州志云立郡九

原縣界太平寰宇記云汾陽縣界其實一也

九原漢舊縣建安二十年移太平寰宇記漢末于太原

陽曲縣地置九原縣

定襄漢舊郡省作縣元和郡縣志後漢末移陽曲縣于

并州太原縣界仍于此置定襄縣

雲中漢舊郡省作縣

廣牧漢舊縣屬朔方

平城漢舊縣屬鴈門元和郡縣志魏武鳩集散亡又立

平城馬邑縣屬新興郡至晉始還屬鴈門

馬邑漢舊縣屬鴈門

雍州漢建安十八年魏復分司隸置得漢舊郡三增置郡三治

長安

京兆郡漢置尹魏改為太守領縣十一

長安漢舊縣

霸陵漢舊縣

杜漢杜陵縣魏改

鄭漢舊縣

新豐漢舊縣

陰般漢舊縣屬安定靈帝末寄理新豐縣界

藍田漢舊縣

商漢舊縣

上洛漢舊縣

高陸漢高陵縣屬馮翊魏黃初元年改今名移屬此

萬年漢舊縣屬馮翊黃初元年移郡國志又有長陵陽

陵二縣今不錄

馮翊郡漢置名左馮翊魏去左領縣八馮翊舊有雲陽縣魏志

司馬懿撫慰關中罷縣置撫夷護軍

臨晉漢舊縣

下邳漢舊縣屬京兆郡國志無此縣今考魏志董卓遷

都長安華歆求出為下邳令疑建武中省後又復

立也太平寰宇記下邳縣自漢迄晉不改

池陽漢舊縣有黃白城

李傕亂政獻帝東遷三輔飢歉乃移保此城

重泉漢舊縣

頰陽漢舊縣

栗邑漢舊縣

蓮勺漢舊縣

郃陽漢舊縣郡國志又有雲陽祓祜夏陽衙四縣今不

錄

扶風郡漢置名右扶風魏去右領縣七

槐里漢舊縣

始平漢平陵縣魏改今名元和郡縣志魏文帝改平陵

為始平晉武改置始平國而太平寰宇記云黃初

元年即改為始平國恐非沈志始平縣下云魏立

亦微誤今從元和郡縣志

郭漢舊縣有駱谷道

漢魏舊道南通蜀漢魏正始四年曹爽伐蜀諸軍入駱谷數百里不

得前即此甘露二年蜀將姜維出此谷軍于長城

有姜維嶺

本名沉嶺姜維率眾出駱

谷經

郿漢舊縣有積石原

水經注作積水原魏青龍二年諸葛亮與司馬懿拒渭南郭淮亮

必登北原遂先據之亮至果不得上即此

有五丈原

諸葛亮屯此原與司馬懿相拒

成國渠

水經注魏尚書左僕射衛臻征蜀所開

柁邑漢舊縣

武功漢舊縣有武功山斜谷水

諸葛亮表遣孟瑛據武功水即此處小槐

里 魏武移武都郡治于此

美陽漢舊縣太平寰宇記魏黃初中徙武都于美陽郡

國志又有安陵茂陵二縣今不錄

漢興郡魏武分扶風置領縣五獻帝起居注中平六年省扶風都尉置漢安郡領雍渝麋等五縣漢興疑即漢安改名或中平

末郡立旋廢至魏武復分置又改今名也三輔決錄注游楚爲漢興太守

雍漢舊縣

渝慶漢舊縣

杜陽漢舊縣

陳倉漢舊縣有上下城下城魏太和中將軍郝昭築適訖諸葛亮來攻不能拔三

交城太平寰宇記者舊傳司馬懿與諸葛亮相拒于此因築是城

汧漢舊縣

新平郡漢興平元年分扶風安定置領縣二太康地志安定郡領縣六其四爲鶉觚則縣或自晉初又移屬安定也魏略李偉爲新平太守

漆漢舊縣興平元年移

補三國疆域志卷上

鶉觚漢舊縣屬安定興平二年移

荆州漢建安十三年劉琮舉州降地盡入魏及赤壁之敗州遂三分西境屬蜀東境南境屬吳惟北境屬魏得漢舊郡一增置郡六其江夏郡魏吳並立州所統凡八治宛沈志魏荆州治江陵今考三國時江陵屬吳爲吳荆州治所不得云魏沈志蓋微誤

南陽郡秦置魏領縣二十二

宛漢舊縣有洧水魏武爲張繡所敗長子昂死于此

冠軍漢舊縣

新野漢舊縣魏侯國元和郡縣志魏時縣爲荆州都督

所治王昶爲都督卽鎮此

西鄂漢舊縣

雒漢舊縣

魯陽漢舊縣侯國晉書地理志入

犍漢舊縣漢志三縣合下流

堵陽漢舊縣晉書地理志又晉書地理志又晉書地理志

博望漢舊縣

舞陰漢舊縣

比陽漢舊縣漢志比陽縣

棘陽漢舊縣鄧艾傳義陽棘陽人今考太平寰宇記魏

義陽郡領五縣無棘陽疑艾傳從後追書故仍列

此蜀志來敏鄧芝傳言義陽新野人蓋亦同

湖陽漢舊縣地理沿革表此及棘陽二縣晉時始省

隨漢舊縣

補三國疆域志卷上

四

育陽漢舊縣魏侯國

涅陽漢舊縣

鄧漢舊縣有鄧塞孫堅破黃祖于此魏于此地裝治舟艦以伐吳故陸機表稱鄧塞之舟節

此

酈漢舊縣

穰漢舊縣有魏武城水經注建安二年魏武征張繡築

朝陽漢舊縣

蔡陽漢舊縣

安衆漢舊縣有安衆港水經注魏武破張繡于此郡國志又有復陽

成都襄鄉三縣今不錄

南鄉郡漢建安十三年魏分南陽西界置領縣八

鄧漢舊縣

順陽漢舊縣

南鄉漢舊縣

丹水漢舊縣

武當漢舊縣

陰漢舊縣

筑陽漢舊縣

析漢舊縣

義陽郡魏黃初中分南陽置景初元年以襄陽郡郡葉二縣來屬共領縣八

安昌漢章陵縣水經注魏黃初二年改今名今考章陵

漢末曾升作郡後漢書劉表傳荊州八郡注稱漢

官儀一為章陵趙儼傳太祖征荊州以儼為章陵

補三國疆域志卷上

星

太守疑魏平荊州後方省也

平林太平寰宇記魏文帝立義陽郡治安昌城領安昌

平林平氏義陽平春五縣則平林當亦魏文時與

郡同立

平氏漢舊縣

義陽魏志文帝黃初中分平氏立蜀志先主征吳退軍

時義陽傳形斷後云云

平春漢舊縣屬江夏

郢漢舊縣沈志縣二漢屬江夏晉太康地志屬義陽今

姑從太康志列于此

郡漢舊縣屬南郡

葉漢舊縣有方城張節伐
失屯此

江夏郡漢置魏吳並立魏領縣三魏志明帝太和元年分江夏南部置江夏南部都尉文聘傳爲江夏太守數十年至嘉平中桓禹又爲江夏太守華佗傳江夏太守王經吳志陸遜傳魏江夏太守逸式又王基傳基自城上昶徙江夏治之以逼夏口由是賊不敢輕越江今考魏江夏郡惟得安陸一縣後又得新市及吳所立石陽縣其西陵西陽軼三縣分隸弋陽平春隸義陽餘皆屬吳也

安陸漢舊縣元和郡縣志曹魏江夏郡治安陸王基傳

安陸左右陂池渥衍若水陸並農以實軍資然後

引兵詣江陵夷陵云云有卻月城荆州記魏將黃祖所守吳遣董

襲攻而禽之卽此

南新市漢舊縣吳志孫皎傳建安中賜南新市等四縣

補三國疆域志卷上

爲奉邑及陸遜傳吳嘉禾五年遜遣周峻張梁擊

江夏新市安陸石陽三縣則新市後屬魏也

石陽沈志吳立文聘傳及吳志權聞魏文帝崩征江夏

圍石陽不克而還孫奭傳黃武五年權攻石陽則

縣後屬魏

襄陽郡漢建安十三年魏分南郡編以北及南陽之山都置領

縣七沈志稱魚豢魏略又云魏文帝立

宜城漢舊縣

中廬漢舊縣

臨沮漢舊縣有章鄉吳將潘璋會關雲長于此有沮中習鑿齒襄陽

諸葛瑾萬或從沮中尋山險出卽此元和郡縣志作祖山云司馬懿鑿八登山開路于此停祀也

卽漢舊縣

襄陽漢舊縣有樊城

魏重鎮開雲長圍于禁于此

有劉琦臺荆州諸

葛亮去梯密謀之所有檀谿蜀先主乘的盧馬躍渡于此

山都漢舊縣屬南陽

於陽沈志南郡太守下有旌陽云二漢無旌陽縣見晉

太康地志疑是吳立今考魏志明帝景初元年分

襄陽臨沮宣城旌陽即四縣置襄陽南部都尉廣

禪後方移屬南郡也沈志疑吳所立考樂進傳討

劉備臨沮長杜普旌陽長梁大皆大破之則旌陽

或係建安十三年南郡初入吳時所分置又考魏

璋等傳皆云到臨沮禽關雲長蓋自雲長敗後南

郡復入吳二縣或以此時隸魏也

補三國疆域志卷上

魏興郡魏黃初中以漢中遺民在東垂者置領縣四袁山松書

建安二十年分漢中之安陽西城為西城郡水經注魏文帝改

西城郡為魏興治故西城則知郡本西城郡之舊也輿地志魏

置魏興郡領洵陽等六縣今考洵陽長利雖前漢舊縣中興後

皆省沈志二縣皆晉太康四年復立安得云魏時即領洵陽等

六縣乎輿地志蓋誤以晉所領縣為魏也

西城漢舊縣屬漢中有安橋

吳遣將救孟達處

有木蘭寨

蜀軍救孟

平陽魏立

安陽漢舊縣屬漢中沈志漢末省魏復立

錫漢舊縣屬漢中魏太和二年升縣立錫郡景初元年

錫漢舊縣屬漢中魏太和二年升縣立錫郡景初元年

省

新城郡魏黃初中分漢中置領縣四太平寰宇記郡初治上庸孟達破後始移治房陵

房陵漢舊縣屬漢中元和郡縣志後漢末以房陵縣為

房陵郡水經注魏文帝并上庸房陵西城合以為

新城郡則縣曾作郡後合于新城也

綏陽魏立沈志云後改為秭歸

昌魏魏立水經注房陵所分

祁鄉魏立水經注房陵所分

上庸郡魏明帝太和二年分新城之上庸武陵北巫置四年復

廢景初元年又分魏興之魏陽錫郡之安富上庸為郡後又省

入新城郡甘露四年復置領縣五今考景初元年郡置後不知

補三國疆域志卷上

何時復廢齊王芳紀自帝即位郡國縣道多所置省或郡係此

時廢也至景初元年以前建革則魏紀甚明而沈志云上庸郡

疑太和後省景初又立則微誤蓋沈偶不檢耳

上庸漢舊縣屬漢中有白馬山荆州記孟達為新城太守登山而歎曰此金城

千里因作上堵吟即此

安富魏立

北巫魏立

武陵漢舊縣中興後省魏復立

廣昌沈志疑魏所立又考王基傳移吳降民置夷陵縣

夷陵末識屬何郡故附記於此

揚州漢舊統六郡興平中江東地悉入吳魏惟得廬江九江之

地自合肥北至壽春置揚州刺史領郡二治壽春

淮南郡本秦九江郡漢初爲淮南國後復故魏復改今名領縣
十沈志魏改九江曰淮南晉地理志又云晉武帝始改今從沈
志

壽春漢舊縣有諸葛誕城甘露二年誕殺揚州刺史樂

有護里吳王使孫紉大發卒屯護卽此

成德漢舊縣

下蔡漢舊縣

義成漢舊縣

西曲陽漢舊縣

平阿漢舊縣

全椒漢舊縣

阜陵漢舊縣沈志晉武帝太康元年復立歷陽當塗浚

補三國疆域志卷上

見

道二年復立鍾離並二漢舊縣也郡國志漢縣復有陰陵三

國時江淮爲戰爭之地其間不居者各數百里此

諸縣並在江北淮南虛其地無復民戶吳平民各

還故立焉知三國時魏吳俱無此數縣也又吳志

黃龍三年權以大兵伏于阜陵疑阜陵此時當兵

衝縣亦當廢以無明文可據故尚存之今考歷陽

廢縣有橫江浦建安初孫策破劉繇將樊能于廩于此有洞口浦魏

曹休張遼伐吳至此與吳軍相望有當利浦揚旣順流于此而軍

報王渾書曰風利不得泊後固以爲名有濡須塢建安十七年吳聞

塢南臨須水有烏江魏志黃初三年曹有東關魏

狀如偃月相持于此南岸吳築城北岸魏置柵魏嘉平四年

諸葛恪于東關築大堤過巢湖左右依山築兩
城留千人守之魏遣諸葛誕遼道廢縣有消搖津
等圍東關恪率衆破之于此

即魏將張遼 有涂陽城吳赤烏十三年吳王遣兵敗吳王處 斷涂作堰以淹北道遂築此城為有曹城魏武伐吳修縣北守備城以屯守因名

鍾離漢舊縣吳歷馬茂本淮南鍾離長為王凌所失叛

歸據此則縣蓋自魏中葉後始廢有曹山元和郡縣志古

老相傳魏武東征駐軍于此因名 有公路城袁術所築

合肥漢舊縣司馬光資治通鑑魏武置揚州刺史治此

後移壽春有新舊二城新城青龍元年滿寵表于舊縣城西北三十里立明 有古

年吳王自將十萬眾至合肥新城即此 有藏舟浦即魏與吳二國藏艦處

津水張遼以八百人擊追吳王三十萬眾于此 有西津橋吳王為張遼所襲上津橋

鞍綏鞋利于後著鞭遂得超渡即此

廬江郡漢置魏領縣九

陽泉漢舊縣有陽宜口吳陸遜伐廬江潯龍趨楊宜口即此

補三國疆域志卷上

辛

舒漢舊縣臧霸傳屯舒通鑑魏正始四年司馬懿將兵

入舒吳志諸葛恪傳輕兵襲舒掩得其民而還

濳漢舊縣有濳山袁術奔部曲陳簡雷薄于此山為簡等所拒

皖漢舊縣吳志建安十九年縣為吳所尅遂為重鎮赤

烏四年諸葛恪屯之魏正始四年司馬懿攻皖恪

退屯柴桑又考呂蒙傳吳破皖後即拜蒙廬江太

守還屯尋陽則吳廬江郡蓋從尋陽遙領也徐廣

傳亦云領廬江太守有吳塘陂皖水所注太平寰宇記魏武使朱光

為廬江太守屯皖大開稻田呂蒙上言皖地肥美若一收彼眾必增宜早除之于是吳王親征皖

光所開有吳陵堰魏志揚州刺史劉襲開芍陂及茹陂七門以溉稻田又云

呂蒙有呂亭山呂蒙代魯肅督西陵屯軍于此因名 有南峽戍呂蒙所開

伐皖張遼將軍救之至峽石聞有石亭陸遜敗曹

居巢漢舊縣建安中魏武屯居巢又遣夏侯惇曹仁等

屯此張遼臧霸傳俱屯居巢後屬吳周瑜傳為居

巢督衛臻傳孫權召朱然入居巢太平寰宇記後

以吳魏戰地遂荒廢至平吳復立有錢里孫琳殺朱異于此

此

臨湖漢舊縣

襄安漢舊縣

龍舒漢舊縣有七門堰劉馥為州刺史修築斷龍舒水溉田五千頃

六安漢舊縣

六安漢舊縣

龍舒漢舊縣

襄安漢舊縣

臨湖漢舊縣

居巢漢舊縣

六安漢舊縣

龍舒漢舊縣

襄安漢舊縣

臨湖漢舊縣

蜀漢疆域

益州

益州漢建安十九年先主定益州二十四年進定漢中後主建興七年復得涼州之武都郡改益州郡為建甯郡遙領交州凡得漢舊郡十一漢末及蜀漢增置郡十一共領郡二十二治成都又設庠降都督統南中七郡治味縣

蜀郡秦置蜀漢領縣七水經注益州舊以蜀郡犍為廣漢為三

成都漢舊縣

郫漢舊縣

江原漢舊縣

補三國疆域志卷下

繁漢舊縣蜀志後主延熙十年涼州胡率眾降居之繁

縣俗以縣有降戶謂之新繁

廣都漢舊縣

臨邛漢舊縣

湔漢舊縣有觀阪後主建興十四年後主登此看汶江之流

犍為郡漢置蜀漢領縣五裴松之注稱吳書吳以張化為犍為太守犍為未嘗屬吳蓋遙領耳顧雍傳注弟徽拜巴東太守亦

同

武陽漢舊縣有牧馬川太平寰宇記蜀先主于此置籍田牧馬于此江中俗因名

南安漢舊縣有郁郅戍諸葛亮南征時置有峽口蜀將陳名鄭綽禽叛將黃

元于此

棘道漢舊縣

資中漢舊縣

牛鞞漢舊縣

江陽郡漢末劉璋分犍為郡置蜀漢領縣三水經注故犍為岐江都尉建安十八年劉璋立郡蜀志楊戲傳注劉璋聞程畿之答龐羲遷畿江陽太守郡蓋為畿而立而晉地理志云蜀章武元年始置今考益州初定劉邕彭萊卽繼為江陽太守明非至章武元年始置可知當以蜀志及水經注為是

江陽漢舊縣

符漢舊縣

漢安漢舊縣

汶山郡漢武帝置宣帝地節三年合蜀郡靈帝又分蜀郡北部

置華陽國志又云漢安帝延光三年復立蜀漢領縣入太康地志以為蜀漢時始

補三國疆域志卷下

復置非

絲虎道漢舊縣水經注汶山郡治蜀先主所置也

汶山漢舊縣名汶江

升遷太康地志縣屬汶山疑係蜀漢時立

都安沈志蜀立有都安堰水經注諸葛亮以堰國之所資以千二百人主護之有堰

官

白馬太康地志興樂縣本名白馬屬汶山太康元年更

名今考二漢志益州無白馬縣疑漢末及蜀漢時

所立也

平康姜維傳汶山平康夷反維討定之則縣蓋蜀漢時

立

蠶陵漢舊縣

廣柔漢舊縣屬蜀郡

漢嘉郡蜀漢章武元年以蜀郡屬國置領縣四

漢嘉漢舊縣有熊耳峽太平寰宇記諸葛鑿山開道卽此

徙漢舊縣

嚴道漢舊縣有姜維城維所築

旄牛漢舊縣有武侯城在瀘河水諸葛亮築以安戍兵之所

朱提郡漢建安二十年蜀先主以犍爲屬國置領縣五楊戲李漢輔臣贊原注鄧方隨先主入蜀蜀旣定爲犍爲屬國都尉易郡名爲朱提太守選爲安遠將軍庾降都督考庾降都督之置在建安二十四年則朱提郡之立當從華陽國志水經注作二十年爲是晉地理志章武元年始置元和郡縣志又云諸葛亮南征時所置恐皆誤

補三國疆域志卷一

朱提漢舊縣

南廣漢舊縣屬犍爲水經注後主延熙中卽縣立南廣

郡疑郡旋廢故沈志又言晉武帝分朱提郡置南

廣也

漢陽漢舊縣中興後省晉太康地志屬朱提疑蜀漢復

立

南昌沈志南秦縣本名南昌晉太康元年更名南秦縣

當屬蜀漢時立

堂狼漢舊縣前漢屬犍爲郡郡國志無沈志云縣後漢

屬朱提郡徵誤

越雋郡漢置蜀漢領縣六

會無漢舊縣

邛都漢舊縣有瀘水

諸葛南征越嶲上陵云五月渡瀘即此太平寰宇記今昆明道渡所見有武侯道在又有大冢諸葛軍此土幸遭瘟癘死者皆葬于此

卑水漢舊縣

定荏漢舊縣有鹽井

蜀志井舊為氏豪所據張嶷殺其豪帥遂擅鹽鐵之利亮南征至此築

臺登漢舊縣有諸葛城

亮南征至此築

蘇邛漢舊縣郡國志又有靈關道三縫闡大荏荏秦五

縣

牂柯郡漢置蜀漢領縣七

且蘭漢舊縣

談指漢舊縣

夜郎漢舊縣

毋歛漢舊縣

補三國疆域志卷下

四

并渠

營漢舊縣

平夷漢舊縣郡國志又有談蒙漏江二縣

建甯郡本漢益州郡蜀漢建興三年改今名蜀志以建甯太守

遙領交州即治建甯至建興七年以交州屬吳罷刺史領縣十

五

味漢舊縣蜀漢庾降都督自平夷縣移治此

昆澤漢舊縣

存駝漢舊縣中興後省疑蜀漢復立

新定太康地志有疑蜀漢立

毋單漢舊縣屬牂柯水經注蜀漢建興中移屬

銅瀨漢舊縣

建伶漢舊縣

牧靡漢舊縣

穀昌漢舊縣

雙柏漢舊縣

俞元漢舊縣

修雲沈志晉武帝咸甯元年分建甯郡修雲俞元二縣

復立律高縣則修雲縣當屬蜀漢時立也沈志又

云修雲俞元二縣二漢無今考俞元縣二漢皆屬

益州安得云無蓋誤

冷邱

滇池漢舊縣郡國志又有律高同勞連然秦臧四縣

同竝漢舊縣屬牂柯

補三國疆域志卷下

五

興古郡蜀漢建興三年分建甯牂柯郡置領縣十

宛溫漢舊縣屬牂柯華陽國志水經注止作溫云郡治

此縣

句町漢舊縣屬牂柯

漏臥漢舊縣屬牂柯

西豐漢母掇縣屬益州蜀漢改今名

黃古漢舊縣屬益州

勝休漢舊縣屬益州

鐔封漢舊縣屬牂柯

漢興沈志縣二漢魏無考縣名漢興當非晉以後立疑

蜀漢時置也有盤江

諸葛亮入南戰于盤東卽此江上

進乘漢舊縣屬牂柯

西隨漢舊縣屬牂柯

永昌郡漢置蜀漢領縣八

不韋漢舊縣

永壽

比蘇漢舊縣

雍鄉

南涪

嵩唐漢舊縣

哀牢漢舊縣

博南漢舊縣

雲南郡蜀漢建興三年分建甯永昌置領縣八

柎棟漢舊縣屬益州太平寰宇記蜀漢時郡治此縣

補三國疆域志卷下

六

雲南漢舊縣屬永昌

青蛉漢舊縣屬越嵩

姑復漢舊縣屬越嵩

邪龍漢舊縣屬永昌

牂榆漢舊縣屬永昌

遂久漢舊縣屬越嵩

永甯

漢中郡秦置漢建安二十年張魯改名漢甯袁山松書建安二十年復置漢甯郡

名蓋卽是咸所改云復置誤也二十一年魏武平漢中復舊名後入蜀漢領縣

八

南鄭漢舊縣蜀漢侯國有武鄉谷卽諸葛亮受封地

蒲池

褒中漢舊縣有陽平關

太平寰宇記關在縣西北蜀先主破魏軍殺大將夏侯淵于此

有褒斜道

一名石牛道諸葛亮與兄瑾書前遣子龍退軍燒壞赤崙以北關道即此

石門

褒城縣石門題字魏景元四年十二月十二日盪寇將軍浮亭侯譙國李苞字孝章將中

軍木石工二千

有箕谷

鄧芝趙雲所據處

沔陽漢舊縣通典蜀統益梁二州梁治漢中宋祝穆方輿勝覽蜀立梁州治沔陽今考沈志魏景元四年

平蜀始立梁州晉地理志又云泰始三年分益州

立梁州則蜀時無梁州也今不錄有定軍山

水經注魏

武南征漢中張魯降乃命夏侯淵等守此元和郡縣志諸葛亮卒遣命葬此山有諸葛城

亮拔隴西千餘家還漢中築此城以處之因取名焉

有漢城

諸葛亮所築

有八陣

元和郡縣志諸葛元

和郡縣志諸葛元

和郡縣志諸葛元

成固漢舊縣有黑水

源諸葛踐云朝發南鄭暮宿黑水

有樂城

諸葛亮所築華

補三國疆域志卷下

七

陽國志蜀時以沔陽為漢城成固為樂城

南鄉蜀漢分成固立

黃金魏黃初中分安陽立後屬蜀漢有黃金

成梁州記張魯所

築南接漢川北枕故道俗號為鐵城

有黃金

谷魏遣曹爽由駱谷伐蜀蜀將王平拒之于

與勢張旗幟于此谷

興勢通典蜀分成固立有興勢山

蜀先主遣諸葛亮出駱谷成此山置烽火

樓處處通照後主延熙七年將軍王平守此魏將曹爽攻之不克

廣漢郡漢置蜀漢領縣九華陽國志後主延熙中復分四縣為

東廣漢郡

雒漢舊縣有馬江

先主攻劉璋將張任任出戰于馬橋軍敗死即此江上

新都漢舊縣有諸葛亮八陣

元和郡縣志在縣北十九里

緜竹漢舊縣蜀漢侯國

陽泉蜀漢分縣竹立

什方漢舊縣

鄭漢舊縣有會軍堂山先主入蜀遣諸葛亮張飛等分定州界略地至此百姓以牛酒

犒師亮因會軍士于此因名

廣漢漢舊縣

德陽漢舊縣有平蜀臺鄧艾破諸葛瞻于此因築臺以為京觀

五城元和郡縣志蜀先主立

梓潼郡漢建安二十二年蜀漢分廣漢置領縣五

梓潼漢舊縣有劍門太平寰宇記諸葛亮相蜀于此立門以大劍山至此有隘束之路故

名有閣道華陽國志諸葛亮相蜀鑿石界空為道以通蜀漢方輿勝覽蜀于此置閣射

有故壘山益州記姜維拒鍾會有故壘在此山有大劍鎮亦姜維拒

有鍾會壘會度劍閣後所築

補三國疆域志卷下

八

涪漢舊縣

漢壽漢葭萌縣蜀漢改今名有馬鳴閣蜀先主使陳式絕閣道即此

故關城俗名張魯城

白水漢舊縣有木馬山諸葛亮相出祁山作木牛流馬于此因名有石門關

元和郡縣志關因山為阻諸葛鑿石為門故名華陽國志有關射

昭歡沈志疑是蜀立

巴郡秦置蜀漢領縣五

江州漢舊縣蜀漢置都督于此太平寰宇記蜀延熙中

省平都縣入江州水經注江州城蜀漢李嚴更造

周十六里有陽關水經注鄧芝為江州都督治此

墊江漢舊縣

臨江漢舊縣

枳漢舊縣

安漢漢舊縣蜀漢侯國郡國志又有平都縣

巴西郡漢建安六年劉璋分巴郡置蜀漢領縣五譙周巴記建

安六年分立巴西郡蜀志章武元年改巴西郡為巴郡則巴西

似復合于巴然諸地志皆言蜀漢有巴西郡今仍之

閬中漢舊縣有閬水水經注劉璋攻霍峻于葭萌自此水上

西充國漢舊縣初平四年分立南充國此遂加西字太

平寰宇記云晉太元中置西充國誤

蒼谿

岐嶺

南充國譙周巴記初平四年分充國立

巴東郡漢初平元年趙遼華陽國志趙作穎奏分巴郡置永甯郡建安

補三國疆域志卷下

九

六年劉璋改今名二十一年蜀漢先主改名固陵章武元年復

舊領縣四

永安漢魚復縣蜀漢章武二年改今名有故江關太平寰宇

記劉先主置固陵郡于此有八陣圖荆州圖記諸葛亮所置在永安宮南一里

胸臆漢舊縣

漢豐太平寰宇記建安二十一年蜀漢先主分胸臆縣

西北界立以漢上豐盛為名

南浦何承天志蜀漢建興八年益州牧閬宇表改羊渠

縣立何志云吳立羊渠縣

涪陵郡漢建安六年劉璋分巴郡置蜀漢領縣六水經注魏武

分巴郡為涪陵郡吳地志又云蜀先主以地控涪江之源故于

此立涪陵郡今考太平寰宇記漢獻帝建安中涪陵謝本以涪

陵廣大白州牧劉璋分置丹興漢髮二縣璋又分涪陵立永甯

縣劉昭注稱巴記又云漢靈帝分涪陵立永甯合四縣置屬國都尉治涪陵蜀先主

改爲涪陵郡是郡蓋創始于璋先主特改郡名耳說或近之

丹興漢末劉璋分涪陵立

漢復蜀漢先主立

涪陵漢舊縣

漢平蜀漢後主立

漢葭漢末劉璋分涪陵立

萬甯漢末劉璋分涪陵立永甯縣蜀漢先主改今名

宕渠郡蜀漢分巴郡置領縣三太平寰宇記漢建安二十三年

先主分巴郡置尋省後主延熙中又置

宕渠漢舊縣蜀漢侯國

補三國疆域志卷下

宣漢漢舊縣

漢昌漢舊縣

武都郡漢置本隸涼州先屬魏蜀漢建興七年地入蜀領縣五

郡有上祿廢縣有祁山山有城極險固蜀志建興六年諸葛亮率衆攻祁山卽此有南呀北

呀太平寰宇記二呀有萬餘戶卽此有諸葛壘元和郡縣志在漢水北有牛頭山姜維引軍救麴

此山城道出

下辯漢舊縣有武街橋魏諸葛緒于此斷姜維歸路

河池漢舊縣有茄蘆成元和郡縣志鄧艾與姜維相持于此築城復置此成

沮漢舊縣有武興山蜀以其地衝要遣蔣舒爲武興督守之卽此

武都漢舊縣

故道漢舊縣

陰平郡漢末以廣漢屬國置蜀漢建興七年地入蜀領縣二何

承天志云郡蜀漢時立元和郡縣志亦云蜀建興二年置陰平郡今考郡以建興七年始入蜀而云二年已置似誤晉地理志及通典又云晉初始置亦不合事實惟常璩漢中志以為郡立于漢永平後然使永平後即置則郡國志何以不錄轉展詳求不得一是漢中志云劉先主入蜀求武都陰平二郡不得晉地理志序例魏武定霸置郡十二其一陰平說尚近實故今以為漢末置也郡國志廣漢屬國都尉又有旬氏道剛氏道

陰平漢舊縣有馬閣山

鄧艾伐蜀自景谷步劍閣道徑路險絕乃求馬懸一作棧閣方

得路通

有江油

艾伐蜀自陰平行人無地七百里至江油即此地

有強川

姜維為王

有鄧艾城

艾伐蜀所築

有姜維城

後主令維于此築城

與艾相守

有郭公城

郭淮攻廖化時所築

廣武蜀漢立

補三國疆域志卷下

十一

吳疆域

揚州

荊州

交州

廣州

揚州漢興平中揚州所屬江東諸郡悉入吳凡得漢舊郡四增置郡十校尉都尉部二治建業

丹陽郡本秦鄣郡漢改今名吳領縣十六

建業漢秣陵縣建安十六年吳改今名有大桑浦

吳大帝時

將討關雲長使平南將軍吳範屯此

有蔡洲

丹陽記吳時容館在此洲以上舍遠使

有

白都山

孫峻殺諸葛恪子疎于白都

烈洲

顧野王輿地志曰烈洲吳舊津所也

丹陽漢舊縣吳侯國有慈湖

吳將竿融于此屯兵

有牛渚

劉繇屯牛渚營

蕪湖漢舊縣吳侯國

永平吳分溧陽立侯國宋潘自牧記纂淵海後又改爲永安沈志溧陽縣吳省爲屯田郡國志又有湖熟江乘二縣三國時亦無故不錄

句容漢舊縣

宛陵漢舊縣吳侯國

宣城漢舊縣吳侯國郡國志無此縣疑吳時復立

陵陽漢舊縣吳侯國

安吳吳立程普傳討宣城涇安吳陵陽春穀諸賊皆破之事尚在孫桓王時則此縣桓王過江時卽分置也

臨城吳赤烏中立侯國

補三國疆域志卷下

石城漢舊縣吳侯國有武林城

顧野王輿地志吳大帝所築吳志封子休爲琅邪王鎮此城後陸允何遜等皆爲武林都督居此

有石埭場

吳志韓當爲石城侯時所

置

涇漢舊縣有勇里

吳桓王禽太史慈于此

春穀漢舊縣有赭圻城

元和郡縣志吳所置屯處

廣德何承天志漢舊縣沈約云二漢志並無疑是吳所立今考郡縣志後漢分故鄣縣置則縣係漢末所立故二漢志未錄當以何說爲是方輿勝覽亦云後漢置吳侯國

甯國沈志吳立元和郡縣志後漢末分宛陵南鄉置今甯國府志云漢建安中置故或云漢末或云吳立

也水經注以此及安吳二縣爲晉立誤

懷安吳分宛陵立

新都郡漢建安十三年吳分丹陽郡置領縣六

始新建安十三年吳分歙縣華鄉立元和郡縣志本歙

縣東鄉

新定吳分歙縣南鄉立太平寰宇記本歙縣安定里

歙漢舊縣有布射山

吳志歙賊金奇萬戶屯此

有毛甘城

漢末賊毛甘所屯吳

將賀齊討平之

黎陽吳分歙縣立

海陽邑圖吳割歙縣西川分立本名休陽後避孫休名

改有烏聊山

吳記歙賊毛甘領萬人屯此吳大帝遣賀齊平之分歙為六縣

黟漢舊縣有林歷山

賀齊破黟山賊陳僕祖山等于此

歙春郡吳置後屬魏又入吳領縣二沈志吳立歙春郡今考吳

補三國疆域志卷下

三

志建安十八年自廬江九江歙春廣陵戶十餘萬皆東渡江

西遂虛歙春之名始見于此是吳于此年前分廬江立此郡也

嗣後民雖東渡而地尚屬魏故吳志于黃武二年云魏以吳降

將晉宗為歙春太守魏志衛臻傳明帝到尋陽權乃退吳志魏

使廬江謝奇為歙春郡典農都尉屯皖呂蒙襲破之賀齊傳齊

督糜芳鮮于丹等襲歙春生虜晉宗吳復置歙春郡是郡中間

屬魏後又屬吳至晉平吳始省也

沈志晉太康元年省歙春郡

今列于此

歙春漢舊縣

尋陽漢舊縣沈志吳立歙春郡尋陽縣屬焉元和郡縣

志建安二十五年吳大帝以下雉尋陽新城柴桑

沙羨武昌六縣為武昌郡今考歙春郡後歸吳為

黃武初年尋陽縣當從此時由武昌移屬歙春故

沈志又云太康元年省斬春郡復以尋陽屬武昌

二年又移屬廬江郡也有半州吳黃武二年將軍孫慮出鎮于此所

築後甘肅潘璋皆屯此州為中流重地故有置馬

亭劉勳土眾散處

會稽郡秦置吳領縣十

山陰漢舊縣

上虞漢舊縣吳侯國

始甯賀續會稽記順帝永建四年分上虞南鄉立而何

承天志云漢末始分今考郡國志無此縣則當以

何志為是

餘姚漢舊縣水經注縣城吳將朱然築

句章漢舊縣

補三國疆域志卷下

古

鄞漢舊縣

鄞漢舊縣

剡漢舊縣

永興漢餘暨縣吳改今名有固陵王朗發兵拒吳桓王處有相瀆

桓王襲朗出此瀆有高遷屯吳志桓王入郡人迎于此

諸暨漢舊縣

臨海郡吳太平二年以會稽東部置領縣七

章安漢舊縣吳侯國

臨海吳分章安立

南始平元和郡縣志吳分章安立

永甯漢舊縣

甯海何承天志漢舊縣

松陽漢建安八年吳分章安縣南鄉立

安陽吳立本名羅陽歸命侯改今名

建安郡吳永安三年以會稽南部置領縣九

建安漢建安初吳桓王分東侯官地立卽以年號爲名

有故會稽都尉府 建安八年置吳永安三年廢

吳興漢建安初分東侯官地立本名漢興縣吳永安三

年改今名

東平漢建安初分東侯官地立

建平漢建安初分東侯官地立元和郡縣志又云本上

饒縣吳分置建平

將樂吳永安三年分建安校鄉立

昭武吳立有長樂郡建安記後漢時此郡民居殷富地土廣濶吳桓王欲檢其江左時鄰

補三國疆域志卷下 郡地或爲公私苛亂悉投于此因有長樂將檢二郡

南平吳立方輿勝覽吳景帝立建安郡以南平縣屬焉

晉武平吳改爲延平

侯官漢舊縣吳侯國元和郡縣志吳立曲都尉于此

主議徙之人作船

東安吳立

東陽郡吳寶鼎元年以會稽西部置領縣九

長山漢初平三年分烏傷南鄉立

永康吳赤烏八年分烏傷上浦立

烏傷漢舊縣

吳甯漢興平二年吳分諸暨立

豐安漢興平二年吳分諸暨立劉昭續漢書郡國志注

又云建安四年

太末漢舊縣

平昌吳赤烏二年分太末立記纂淵海又云漢建安十

三年置遂昌縣吳赤烏二年改今名

新安漢初平三年分太末立

定陽漢建安二十三年吳分新安立

吳郡漢置吳領縣十

吳漢舊縣吳侯國

嘉興秦由拳縣吳黃龍四年嘉禾興改曰禾興歸命侯

父名和又改今名侯國

海鹽漢舊縣

鹽官吳記云鹽官本屬嘉興吳立為海昌都尉治此後

補三國疆域志卷下

共

改為縣水經注太康地道記吳有鹽官縣沈志云

漢舊縣非吳所立今考漢地理志郡國志俱無此

縣疑當以吳記為是又陸氏祠堂像贊海昌今鹽

官縣云今則舊為都尉治新改作縣可知有臨平

吳錄湖自漢末草穢塞擁至吳湖天聖元年復開俄而晉平吳

錢唐沈志漢舊縣吳侯國

富春漢舊縣吳侯國沈志吳黃武四年以為東安郡今

考吳志立東安郡在黃武五年此云四年恐誤

桐廬吳黃武四年分富春立沈志吳又立新城縣後并

桐廬水經注同太平寰宇記又云以其地并富陽

建德吳黃武四年分富春立侯國

新昌吳黃武四年分富春立

婁漢舊縣吳侯國

毗陵典農校尉吳置領縣三沈志吳分吳郡無錫已西為屯田
置典農校尉郡國志有安無錫二縣三國時亦廢故不錄顧承傳為吳郡西部都尉
蓋卽此

毗陵漢舊縣吳侯國

武進漢丹徒縣吳嘉禾三年改今名侯國元和郡縣志

吳時或稱京城或稱徐陵吳志孫策使將軍孫何

屯京地又魏將臧霸以輕船五百敢死萬人襲徐

陵卽此吳于此置督有神亭太史慈與吳桓王鬪處

雲陽秦舊縣後改名曲阿吳嘉禾三年復舊名侯國顧

邵傳張秉為雲陽太守則吳時雲陽又曾作郡後

旋廢也有劉繇城繇為揚州刺史治壽春後為袁術所據故繇來建城于此以號

補三國疆域志卷下
令江南後吳桓王東略繇又奔豫章

吳興郡吳寶鼎元年分丹陽吳兩郡置領縣九

烏程漢舊縣有石城山張元之山墟名云昔縣豪族嚴白虎于山下累石為城與呂蒙

所戰

餘杭漢舊縣

永安沈志吳分烏程餘杭二縣立侯國南史沈約傳又

云靈帝初平五年分烏程餘杭置

臨水漢建安十六年吳分餘杭立

陽羨漢舊縣有國山本名離里山吳五鳳二年其山墮大石自立高九尺三寸大十三圍

三寸歸命侯封禪為中岳改今名明年又改元天紀大赦以叶石文

故鄣漢舊縣屬丹陽吳侯國永安中曾升作郡

安吉漢中平二年分故鄣立

原鄉漢中平二年分故鄆立

於晉漢舊縣屬丹陽記纂淵海吳寶鼎元年移屬吳興

吳錄舊磐字無水至隋始加

豫章郡漢置吳領縣十七

南昌漢舊縣吳侯國有劉繇城

繇為吳桓王所攻自曲阿奔豫章築城自保

有齊城

輿地志吳大帝太元二年立孫奮為齊王都南昌諸葛恪執政徙奮居于此

椒邱城

豫章記建安四年桓王破劉勳欲謀取豫章太守華歆所築

海昏漢舊縣

新城漢舊縣

建城漢舊縣

上蔡顧野王輿地志漢靈帝分建以汝南上蔡人分徙

于此

補三國疆域志卷下

夫

永修漢中平中立

建昌漢舊縣吳侯國有孫慮城

慮為侯時所築有上繚 漢末鄱陽民五

六千家別立宗部結聚于此

吳平漢中平中立曰漢平吳改今名

西安太平寰宇記漢建安中分海昏縣立有幕浮山

吳書

劉表從子磐為寇艾以西吳乃分海昏建昌左右六縣以太史慈為建昌都尉督諸將拒磐于此山

置營寨乃以名

彭澤漢舊縣呂範傳領彭澤太守以彭澤柴桑歷陽為

奉邑屯柴桑蓋權宜所立後範領丹陽此郡即省

也

艾漢舊縣郡國志又有領山縣

宜豐吳立

陽樂吳黃武中分上蔡立

富城漢建安中吳分上蔡立輿地志縣立于富水之陽

因以為名

新吳漢中平中分海昏立有太史城

漢末太史慈創置周回三里

鍾陵太平寰宇記漢建安十五年吳大帝分鍾陵置郡

陽郡則縣亦漢末所立

鍾陵一曰志

盧陵郡漢興平元年吳分豫章置領縣十太平寰宇記以為建安十五年與鄱陽郡同置誤

西昌沈志吳立輿地記漢時為盧陵縣吳改今名

高昌吳立

石陽漢舊縣

巴邱吳立周瑜傳策定豫章盧陵畱瑜鎮巴邱則縣益

補三國疆域志卷下

九

與郡同立高昌等縣當亦同

南野漢舊縣

東昌吳立

新興吳立輿地記漢獻帝立遂興縣吳大帝改今名

吉陽吳立輿地記吳後主二年置

興平吳立

陽城沈志陽豐男相吳曰陽城此縣二漢志無當亦吳

時所立

鄱陽郡漢建安十五年吳分豫章置領縣九沈志郡始立治鄱

陽縣赤烏八年徙治吳芮故城

鄱陽漢舊縣

廣昌吳立

吳中卷上蔡立

樂安漢未置樂平縣吳改今名

餘汙漢舊縣

鄆陽漢舊縣

歷陵漢舊縣有石印山吳志天璽元年鄆陽言歷陵山石文理成字即此

葛陽吳分餘干東界立太平寰宇記城在葛水之北故

名

上饒吳立

建平漢建安十年吳分上饒立初屬豫章十五年移屬

臨川郡吳太平二年分豫章東部都尉置太平寰宇記以南城

臨汝二縣立領縣十

南城漢舊縣記纂淵海吳臨川郡治南城

臨汝漢舊縣

補三國疆域志卷下

西平吳分臨汝立此及東興等八縣皆吳太平二年與

郡同置

東興吳立

南豐吳太平二年分南城立

永城吳立

宜黃吳立太平寰宇記以宜黃水為名

安浦吳立太平寰宇記以安浦郵為名

西城吳立

新建吳分臨汝立

安城郡吳寶鼎二年分豫章廬陵長沙三郡置領縣六

平都漢舊縣屬豫章

宜春漢舊縣屬豫章

新諭吳寶鼎二年分宜春縣立元和郡縣志以渝水爲
名後聲變作諭

永新吳寶鼎二年分廬陵縣立

安城漢舊縣屬長沙王烈之安城記縣本有兩鄉漢縣
理西鄉吳理東鄉

萍鄉吳寶鼎二年分宜春縣立元和郡縣志地生萍草
故名

廬陵南部都尉吳末分廬陵郡置領縣六晉地理志吳大帝初
置郡五其一爲廬陵南部地理通釋方與勝覽同而揚州下又云吳歸命

侯分置今考吳志亦云歸命侯置今從之漢書地理志曰甯都
粵都漢舊縣屬豫章元和郡縣志吳廬陵南部都尉治

粵都
補三國疆域志卷下

贛漢舊縣屬豫章
揚都吳分贛縣立侯國沈志甯都吳立曰揚都元和郡

縣志又云吳寶鼎三年初置新都晉改曰甯都縣
太平寰宇記吳大帝分立而郡縣志云寶鼎三年

分亦不同
平陽吳立

南安吳分南野立元和郡縣志漢初平二年分南野立
南安太平寰宇記又云吳大帝分立今考沈志南

康公相下云吳立曰安南若初平二年吳尚未得
江東安得云吳立疑當以樂史記爲是

揭陽吳嘉禾五年立

荊州漢建安十三年劉琮降魏魏盡有荊州之地及敗于赤壁

南郡以南入吳十九年與蜀分荊州復得長沙江夏桂陽三郡
地吳黃武中蜀先主沒武陵零陵南郡宜都四郡地悉復入吳
凡得漢舊郡五增置郡十江夏則與魏並立共統郡十六治南
郡

南郡秦置吳領縣九

江陵漢舊縣吳侯國水經注舊城關雲長所築有景里

魏將夏侯尚圍南郡作浮橋渡此洲有中洲吳將孫盛督萬人據此以為南郡外援

編漢舊縣

當陽漢舊縣吳侯國有當陽坂卽魏武追蜀先主處有麥城關雲長為

吳所破退保此

華容漢舊縣

枝江漢舊縣

補三國疆域志卷下

五

州陵漢舊縣吳志周瑜傳以州陵等四縣為奉邑沈志

縣太康元年復立疑是吳所省又晉起居注太康

四年復立水經注作五年南郡之監利沈志云疑是吳所

立又係吳所省考監利縣他地志皆不詳何時所

立地理沿革表雖云吳時置尋省當亦約略沈志

之辭今故不錄入

石首

作唐漢舊縣屬武陵吳置南郡于江南此下二縣當係

此時所移屬也

屏陵漢舊縣屬武陵吳侯國水經注蜀先主孫夫人吳

大帝妹也更修屏陵城其城背油向澤有公安城

荆州記吳大帝推蜀先主為左將軍荆州牧鎮油
口卽居此城時人號先主為公故名江表傳及通

經又云先主立營油口有樂鄉陸抗都督諸葛時
改名公安二說不同有樂鄉治此其城卽抗所
築有馬頭成陸抗所

宜都郡漢建安十三年魏平荊州分南郡枝江以西爲臨江郡

十五年蜀改今名二十四年郡移屬吳領縣三水經注郡治吳

丞相陸遜所築

西陵漢夷陵縣吳黃武元年改今名有西陵峽陸遜破

遣夷陵守峽有赤谿有步騭城一名故市陸抗

以備蜀卽此于故市有步闡城有陸抗城

夷道漢舊縣

徂山漢舊縣

建平郡吳永安三年分宜都西部置領縣四

巫漢舊縣水經注吳建平郡治此縣有石門山先主自

夷陵敗

秭歸漢舊縣潘璋傳權卽分宜都至秭歸二縣爲固陵

郡拜璋太守郡蓋誓時所置後廢有太清鎮吳置

興山吳永安三年分秭歸縣北界立

興山吳永安三年分秭歸縣北界立

信陵沈志云信陵沙渠疑亦吳所立

沙渠元和郡縣志吳分巫縣立

建始方輿勝覽吳景帝置建平郡建始沙渠隸焉通典

縣本漢巫縣地考沈志建平郡下晉又有建平都

尉巫北井泰昌建始四縣屬焉太康五年省建始

縣疑縣係吳永安中與郡同立後又屬晉至太康

五年方省輿地志晉太康元年分

歸燒鎔

歸道處

蜀居三峽

要衝之口有蜀先主城水經注先主

征吳時所築

婚則誤或太康五年後縣復立輿地志誤以為太

康元年耳至北井泰昌等縣或係晉初分置故不

錄入

江夏郡漢置吳領縣三吳志周瑜程普孫奭子承亦領此郡蔡遺刀嘉等俱為江夏太守

邾漢舊縣先屬魏後屬吳吳志陸遜常以三萬兵戍之

竟陵漢舊縣有石城元和郡縣志縣本古之石城背山臨漢水吳于此置牙門戍城

雲杜漢舊縣孫皎傳賜沙羨雲杜南新市竟陵為奉邑

後新市屬魏餘縣蓋皆屬吳也

武昌郡漢建安二十五年吳分江夏置領縣五吳志黃武元年

自建業徙都此黃龍元年于此卽尊位還都建業太子登雷守

武昌嘉禾元年太子還建業太元二年立王子奮為齊王居武

昌諸葛恪不欲諸王處沿江兵馬之地徙居豫章甘露元年歸

命侯又都之後又還建業

武昌漢鄂縣建安二十五年吳改今名沈志云魏黃初

三年始改疑誤有吳大帝城魏黃初三年吳主置城有五門各以所向

為名西角一門謂之流津其城有黃石城吳主破劉勳處

吳黃龍元年遷都建業遂廢有樊港吳志吳主于武昌試船風大盛吳主欲取

有郊壇吳黃龍元年郊天之處有樊港吳志吳主于武昌試船風大盛吳主欲取

下雒漢舊縣

柴桑漢舊縣屬豫章有赤烏場吳大帝時有赤烏見于此因改年

沙羨漢舊縣吳侯國尋省有夏口吳一名河口一名魯口吳時重鎮置督于此

有魯山吳時置督有黃軍浦

水經注夏口城魏黃初二年大帝所築水經注吳將黃蓋市所故名

陽新吳分鄂縣立甘甯傳拜西陵太守領陽新下雒兩

武陵郡漢置吳領縣十一

臨沅漢舊縣

龍陽吳立

吳壽漢漢壽縣吳改今名

沅陵漢舊縣

辰陽漢舊縣

酉陽漢舊縣

黔陽吳分酉陽置

鐔成漢舊縣

沅南漢舊縣

補三國疆域志卷下

議

遷陵漢舊縣

舞陽漢舊縣元和郡縣志後漢省入辰陽考晉太康地

志有此縣疑吳時所復立也又太平寰宇記引蜀

志蜀先主于武陵五谿立黔安郡領五縣後主又

增一縣地志闕略不詳所領縣名太平寰宇記又

云蜀所置酉陽縣非漢酉陽舊地今皆附錄于此

俟再博攷

天門郡吳永安六年分武陵置領縣三

零陽漢舊縣

沅陵中沈志二漢無晉太康地志有疑是吳立

沅漢舊縣

長沙郡秦置吳領縣十

臨湘漢舊縣有故尉城吳大帝以程普爲長沙西部都尉以防關雲長因立此城

攸漢舊縣

下雋漢舊縣

醴陵漢舊縣吳侯國

瀏陽吳立元和郡縣志以縣南瀏陽水爲名侯國

爲吳大建甯吳立

吳昌漢立曰漢昌吳改今名補三國疆域志卷下

羅漢舊縣郡國志又有昭陵容陵二縣

蒲圻吳黃武二年分沙羨縣立元和郡縣志縣因蒲圻

湖以名有赤壁盛宏之荆州記在南岸魏武爲周瑜所敗之處有烏林在江

北圻與赤壁相對諸葛亮論曹公危于烏林即此有太平城吳主遣魯肅

築有呂蒙城蒙屯兵于此有陸谿口吳主遣陸遜拒蜀先主于西陵吳主

自屯此爲諸軍節度

巴陵吳分下雋立元和郡縣志本漢下雋之巴邱地吳

初于巴邱置大屯成後復改爲巴陵縣有巴邱吳使

魯肅以萬人屯此有曹公洲元和郡縣志魏武征荆州還于此巴邱遇疾燒船于此洲因

名

衡陽郡吳太平二年分長沙西部都尉置領縣十晉地理志以

爲吳大帝分置誤

湘鄉漢舊縣屬零陵志屬南陽郡水爲合州國

重安漢舊縣屬零陵

湘南漢舊縣

湘西吳立

烝陽漢舊縣屬零陵志屬長沙郡

衡陽吳分湘南立

連道漢舊縣

新陽吳立

益陽漢舊縣有關侯州

吳道呂蒙襲長沙零陵桂陽三郡先主引兵下公安令關雲長

入益陽此州蓋其屯兵之處故名又有關侯瀨在茱萸江上南對水北吳令魯肅甘甯拒于此甯謂肅曰彼聞我咳唾之聲必不敢渡關夜聞甯處分曰與霸聲也遂不渡江

臨丞吳分酃縣立沈志云吳屬衡陽

湘東郡吳太平二年分長沙東部都尉置領縣六晉地理志又

云吳大帝分置誤

酃漢舊縣

茶陵漢舊縣

補三國疆域志卷下

卷

梨陽張勃吳錄有梨陽新平二縣疑皆吳所立

陰山沈志陰山係漢舊縣而屬桂陽吳湘東郡有此陰

云吳大帝分山縣疑是吳所立

新平元和郡縣志吳分耒陽縣立

新甯吳立

零陵郡漢置吳領縣十晉地理志吳歸命侯置郡十二一營本今

誤作陽水經注魏咸熙二年吳分置營陽郡在營水之南故名

沈志營陽太守下云江左分零陵立疑吳立後旋省至江左復

立也沈志營陽郡統縣四未知吳時所統與此同異未敢臆斷

故附錄于此

泉陵漢舊縣

祁陽吳分泉陵立

零陵漢舊縣

營浦漢舊縣

洮陽漢舊縣

永昌吳立韓當傳領永昌太守當又領冠軍太守冠軍

南陽縣三國時不屬吳或遙領耳

觀陽吳立

營道漢舊縣

春陵漢舊縣春陵侯徙國南陽省吳復立移屬零陵

冷道漢舊縣郡國志又有昭陽縣

始安郡吳甘露元年分零陵南部都尉置領縣七

始安漢舊縣

始陽

補三國疆域志卷下

天

平樂吳立元和郡縣志吳分蒼梧郡富川立舊唐書地

理志又云本漢荔浦縣地

荔浦漢舊縣屬蒼梧

尚安吳立

熙平吳立水經注分始安縣扶鄉置

永豐吳立元和郡縣志分荔浦縣永豐鄉置

邵陵郡吳寶鼎元年分零陵北部都尉置領縣五

邵陵沈志二漢無吳錄屬邵陵

都梁漢舊縣沈志晉武帝分都梁立武岡縣元和郡縣

志又云吳寶鼎元年改都梁置武岡二說不同今

從沈志

夫夷漢舊縣

昭陽沈志吳立元和郡縣志本漢昭陵縣後漢改今名
水經注邵陵故昭陵也則二縣皆漢昭陵舊地吳
時析爲二耳又考蔣欽傳以涇拘昭陽爲奉邑涇
拘未知何地疑字有誤也

高平吳立

桂陽郡漢置吳領縣六

柳漢舊縣
未陽漢舊縣
臨武漢舊縣
陽安漢漢甯縣吳改今名
南平漢舊縣

補三國疆域志卷下

元

始興郡吳甘露元年分桂陽南部都尉置領縣七晉地理志荆
州下云始安始興臨賀三郡晉武帝平吳後始移屬廣州而
志惟此郡云晉平吳後以屬廣州而始安臨賀二郡于始立時
卽云屬廣州今徧檢諸地志臨賀郡之立當在置廣州之前不
得云立郡時已屬廣州通典吳廣州領郡六亦不數臨賀元和
郡縣志方輿勝覽臨賀始安二郡吳皆屬荊州則晉地理志之
說較是今從之

曲江漢舊縣

桂陽漢舊縣

始興吳立元和郡縣志本漢南海之地

含洹漢舊縣

涇陽漢舊縣

中宿漢舊縣屬南海吳移屬水經注又云歸命侯分四會之北鄉立

陽山水經注吳歸命侯以含涯縣桃鄉立據此則縣非

前漢陽山縣舊地

臨賀郡吳黃武五年分蒼梧置領縣六

臨賀漢舊縣

謝沐漢舊縣

馮乘漢舊縣

封陽漢舊縣

建興吳立

富川漢舊縣

交州漢建安八年改交趾刺史為交州治蒼梧廣信縣十六年

補三國疆域志卷下

辛

徙治番禺吳黃武五年分立廣州交州還治龍編凡得漢舊郡

四復舊郡一增置郡三

合浦郡漢置吳黃武七年更名珠官後復舊領縣五沈志言孫

亮復舊名通典吳改為珠官晉又為合浦則似晉時始復舊名

與沈志不同疑當以前說為是

合浦漢舊縣

南平

朱盧沈志吳立縣本前漢所立建初後省吳蓋復立也

珠官吳立

毒贗

交趾郡漢置吳領縣十四

龍編漢舊縣吳侯國有交州故城元和郡縣志吳時刺史陶璜所築

苟扇漢舊縣

望海漢舊縣

羸樓漢舊縣

西于漢舊縣

武甯吳立

朱鳶漢舊縣

曲陽漢舊縣

吳興吳立

北帶漢舊縣

稽徐漢舊縣

定安漢舊縣

武安吳立

軍平吳立

新興郡吳建衡三年分交趾置領縣四通典吳分置新興郡晉武改爲新昌今考吳志歸命侯傳已云分交趾爲新昌蓋承祚作志時郡名已改故從後言之

卷冷漢舊縣

嘉甯吳分卷冷立

吳定吳立

封山

武平郡吳建衡三年討扶嚴夷以其地置領縣七

武甯沈志吳立通典安南府屬有武平注吳舊縣疑當

時復有武平縣或晉省也

武興

進山

根甯

安武

扶安

封谿漢舊縣屬交趾

九真郡漢置吳領縣六

晉浦漢舊縣

移風漢居風縣吳改今名

建初吳立

常樂吳立

都龐漢舊縣沈志云吳錄有郡國志又有無功無編二

縣

補三國疆域志卷下

三

扶樂

九德郡吳末分九真置領縣六

九德吳立

咸驩漢舊縣

陽成吳立

越常吳立

扶苓

曲胥

日南郡本秦象郡漢改今名吳領縣五沈志郡吳省晉太康三年復置今考歸命侯傳建衡三年虞汜陶璜破交趾禽殺晉所置守將九真日南還屬華覈傳亦云日南孤危魏三少帝紀九真日南郡聞呂興去逆效順云云晉地理志吳黃武五年以交

趾日南九真合浦四郡爲交州刺史則吳時有日南郡可知
志恐誤

西卷漢舊縣

朱吾漢舊縣

盧容漢舊縣

象林漢舊縣

比景漢舊縣

珠崖郡漢置吳赤烏五年復立領縣二考吳時未嘗復儋耳郡
陸抗傳除儋耳太守蓋因討朱厓郡使虛領其名耳

珠崖漢舊縣屬合浦漢珠崖郡又有潭都苟中紫貝等

縣吳復立郡時未識盡有漢舊縣與不未敢縣決

姑附列此

補二國疆域志卷下

徐聞漢舊縣屬合浦方輿勝覽吳大帝于徐聞縣立珠

崖郡沈志晉平吳省珠崖郡移此縣屬合浦

廣州吳黃武五年分交州之南海蒼梧鬱林高梁立廣州俄復

舊永安七年晉地理志作六年誤復置凡得漢舊郡三增置郡三都尉治

一治番禺

南海郡秦置吳領縣六

番禺漢舊縣吳侯國元和郡縣志州城步隲所築

四會漢舊縣

增城漢舊縣太平寰宇記又云縣吳黃武中立疑漢末

縣廢至黃武時復立也

博羅漢舊縣

龍川漢舊縣郡國志又有中宿揭陽二縣

平夷吳立

蒼梧郡漢置吳領縣十

廣信漢舊縣

端谿漢舊縣

高要漢舊縣有零羊峽

博等軍敗投水死者千餘人即此處

元和郡縣志步騭為刺史時與軍取南安與錢博等戰于峽口

建陵吳立元和郡縣志本漢荔浦縣地

新甯吳立

猛陵漢舊縣

郭平漢舊縣

豐城沈志吳立

元谿

補三國疆域志卷下

臨允漢舊縣屬合浦何志吳時移屬

武城

鬱林郡秦置吳領縣九

布山漢舊縣

阿林漢舊縣

新邑吳立

長平吳立

建始吳立

陰平本漢廣鬱縣吳改今名

臨浦本漢領方縣吳改今名

懷安何志吳改未知先何名

安廣漢舊縣郡國志又有中潯桂林臨塵定周增食五

桂林郡吳鳳皇三年分鬱林置領縣六

武安沈志應是吳立桂林郡舊治武安不知何時始徙

莫又云縣故屬鬱林據此則吳立桂林郡縣時已移

屬又為郡治晉地理志武熙晉太康元年改名屬鬱林蓋

平吳後郡移治潭中故武熙還屬鬱林也

高興潭中漢舊縣

武豐吳立太平寰宇記晉太康元年分吳所置武豐置

長安縣

粟平

武城

軍騰

補三國疆域志卷下

章

高涼郡漢建安二十三年吳分合浦置領縣三晉地理志又云漢桓帝分交趾立高興靈帝改曰高涼今從沈志

思平沈志吳立高涼郡治思平則縣當亦同時所立

高涼漢舊縣

安甯吳立太平寰宇記晉大魏元年吳置安甯

高興郡吳又分合浦置領縣五

廣化晉太康地志有疑是吳立

海甯吳立

莫陽晉太康地志有疑是吳立吳立桂林郡

化平

西平

合浦北部尉吳永安三年分合浦置領縣三廣州記漢建安二

十三年吳分鬱林立甯浦郡晉地理志本之今考吳錄景帝永安三年分合浦立合浦北部尉領平山興道甯浦三縣晉太康地志亦言武帝太康七年始改合浦屬國都尉立甯浦郡又徧檢諸地志吳時所置郡皆無甯浦明郡係太康中所置吳時止有合浦北部都尉也廣州記及晉地理志皆不足據

平山下三縣吳錄有蓋皆吳所立

連道晉地理志合浦郡有連道縣沈志云晉太康元年以合浦北部管之連道立興道縣則吳時有連道無興道也

昌平晉太康地志云本名昌平太康元年改名甯浦

07685

昌平晉太康地志云本名昌平太康元年改名甯浦

無興道也

以合浦北部管之連道立興道縣則吳時有連道

無興道也

平山下三縣吳錄有蓋皆吳所立

官合浦郡甯浦縣出南門又晉地理志本之

甯浦地志吳魏祖國時書魏書地理志本之

地志亦言武帝太康七年始改合浦屬國都尉立甯浦郡又徧

檢諸地志吳時所置郡皆無甯浦明郡係太康中所置吳時止

有合浦北部都尉也廣州記及晉地理志皆不足據

